

唐千金類方

上海千頃堂書局發行
嚴如經署

備急千金要方卷第九 傷寒

後學三水黃恩榮幹南編述

三男 中醫學專門畢業
學生 廣州中醫藥大學 陳景山 悌君校對
學館專門畢業 覆校

傷寒雜治第一 熱毒 喉嚨 口苦 吐手足

毒腫 斑出 痘豆瘡 鼻衄 盜汗附

勞復第二 食忌 陰陽易

百合第三

傷寒不發汗變成狐惑第四

傷寒發黃第五

溫瘧第六

溪毒證第七

傷寒雜治第一 論一首 灸法一首 方五十一首

論曰凡除熱解毒無過苦酢等物故多用苦參 味苦寒。本經。治心腹結氣。青箱

後結熱在胸煩渴。青箱子丸。艾熱。脈盛。乾艾水煮。頓服。取汗。梔子 味苦微寒。本經。治

青箱與黃連龍膽苦參同用。味苦微溫。肘後方。溫疫頭痛壯。梔子 味苦寒。本經。治

熱葶藶。味苦寒。本經。治積聚。苦酒 即米醋。別烏梅 本經。下氣。之屬。是其要也。夫熱非

氣。葶藶。結氣。破堅。逐邪。利水。錄。殺邪毒。除熱。煩渴。 苦酢之物不解也。熱在身中。既不時治。治之。又不用苦酢之約。此如救火不以水也。必不可得脫免也。又曰。今諸療多用辛甘。薑桂人參之屬。此皆貴價。難得常有。比行

求之轉以失時。而苦參青箱葶艾之屬。所在盡有。除熱解毒。取良勝於向貴價藥也。前後數參并用之。得病內熱者。不必按約次也。便以青箱苦參艾苦酒療之。但稍與促其間。無不解也。扁鵲曰。病在腠理。湯熨之所及。病在血脈。針石之所及。病在骨髓。無可奈何。而凡醫治病。或言且待。使病成。乃頓去之。此為妄矣。當預約東家中。及所部曲。具語解此意。使有病者知之為要。

毒熱邪閉

方 治溫氣病欲死

苦參一兩。以酒二升。煮取一升。盡飲之。當吐。則除。諸毒病服之。覆取汗。皆愈。

張文仲及肘後云。治熱毒氣垂死。破棺千金湯。

毒熱邪閉。溫氣病欲死。苦參。本經。治心。腹結。氣積聚。徐洵漢。苦參以味為治。苦入心。除寒熱。專治心經之火。與黃連功用相近。黃連去心。臟之火為多。邪在心。腹當吐。或復取汗。皆借酒力。以利溫行。邪有出路。凡溫毒邪閉。深伏陽分。而不出者。宜之。

毒熱火盛

苦參湯 治熱病五六日已上。

苦參 三兩 黃芩 二兩 生地黃 八兩

右三味。㕮咀。以水八升。煎取二升。適寒溫。服一升。日再。

毒熱火盛温病五六日已上。苦參湯。倍用苦參。治心腹結氣積聚。佐黃芩。泄濕熱。加生地瀉陰火。酒煮易水。不必吐汗。邪已內解。凡温毒火盛深伏陰分而不出者。宜之。

毒熱陽厥

凝雪湯 治時行毒病七八日。熱積聚胸中煩亂欲死起死人。搗湯。

芫花一升。以水三升。煮取一升半。漬故布薄胸上。不過三薄。熱即除。當温煖。

肢護厥逆也

毒熱陽厥温病七八日。熱積聚胸中煩亂欲死厥逆至危。陰陽氣不相順接。手足逆冷。暍時脈還。手足温者生。脈不

還者死。非氣逆也。凝雪湯。芫花破積聚痰水。性味辛温。却利其攻下之力。漬薄胸上。熱因

寒用。凝雪非翹雪之各。以止煩亂。熱解。四肢煖。而時行毒病。陽氣厥逆不通。欲死亦除。

毒熱斑出

猪膽湯 治傷寒五六日斑出。

猪膽 苦酒各三 雞子一枚

右三味。合煎三沸。強人盡服之。羸人須煎六七沸。分為二服。汗出即愈。

傷寒五六日毒熱斑出。前論除熱解毒無過苦酢等物。猪膽湯。猪膽味苦而滑。苦酒

味苦而酸。除熱解毒。以勝肝膽之火。雞子味甘而平。清氣涼血。能去心胞之熱。合煎

內服。由肝膽直達肌肉。汗出即愈。方意與上傷寒宜吐第七酒膽湯及下毒熱瘡盛

酢膽湯同。足補仲景陽毒發斑。升麻鱉甲所不及。

毒熱瘡盛 方二十三首

方 治內發瘡盛。

酢四合 大猪膽一具

右二味合煎三沸。服一合。日五服之。良驗。方後有猪膽和芒消塗去。可以通檢。

摩方 治時行病發瘡。

取好蜜。偏身摩瘡上。亦可以蜜煎升麻。摩之。并數數食之。

方 治豌豆瘡。初發覺欲作者。

煮大黃五兩。服之愈。

又 治熱病後發豌豆瘡。

黃連三兩。以水二升。煮取八合。頓服之。

又方

真波斯青黛。大如棗。水服之。瘥。

又方

青木香二兩。以水三升。煮取一升。頓服之。

傅方

小豆屑。雞子白和傅之。

傅方

苦赤黑發。如疥大。一作疾火者。煎羊脂摩傅之。

洗方 治人及六畜時氣熱病。豌豆瘡。

濃煮黍穰汁洗之。一莖是稌穰。即不瘥。瘡若黑者。搗蒜封之。黍穰小米之粘者。稌穰即高粱。

洗方

煮芸臺洗之。

拭方

婦人月水帛拭之。

浴方

小兒著。取月水汁。和水浴之。

灸法

熱病後發。豌豆瘡。灸兩手腕。研子骨尖上。三壯。男左女右。

木香湯 治瘡出。煩疼者。

青木香 二兩

薰陸香

丁香

礬石 各一兩

麝香 半兩

右五味。哎咀。以水四升。煮取一升半。分再服。熱毒盛者。加犀角一兩。無犀角。以升麻代。病輕者。去礬石神驗。

塗方

瘡上與芒消和猪膽塗。勿動。痂落無痕。仍卧黄土末上。良。此病小便澀。有血者。內壞。瘡昏。黑。靨。不出膿者。死不治也。

漏蘆連翹湯 治時行熱毒。變作赤色癰疽。丹疹。毒腫。及眼赤痛。生鄣翳。

漏蘆 連翹 黃芩 麻黃

白斂 升麻 甘草 枳實

大黃 各三兩

右九味。哎咀。以水九升。煮取三升。分三服。相去五里。久更服。熱盛者。可加芒

消二兩。

時行熱毒。發於週身。則赤癰丹疹。發於頭面。則赤痛目腎。漏蘆連翹湯。以漏蘆連翹。鮮皮。膚熱毒。升麻。麻黃。白斂。發頭面熱毒。黃芩。大黃。枳實。瀉腸胃熱毒。甘草。解臟腑熱毒。熱盛毒深。更藉芒消。鹹潤。以助大黃。所不及。為毒熱。陽癰第一法。

塗方 治毒熱攻手足。赤腫。焮熱。疼痛。欲脫。

猪膏和羊屎塗之亦佳。

漬方

煮馬屎。若羊屎汁。漬之。日三度。

漬方

濃煮虎杖根。適寒溫。以漬手足。令至踝上一尺止。

漬方

取酒煮苦參。以漬之。

漬方

稻穰灰汁。漬之。

漬方

取常思草。絞取汁。以漬之。一名蒼耳。

毒熱喉閉

方 治傷寒熱病。喉中痛閉塞不通。

生烏扇切一斤 豬脂一斤

右二味合煎。約成去滓。取如半雞子。薄綿裹之。納喉中。稍稍咽之。取瘥。

又方

升麻 三兩
通草 四兩
射干 二兩
芍藥

羚羊角各三兩

生蘆根切一升

右六味。哎咀。以水七升。煮取二升半。分三服。

烏扇即射干。葉叢生。橫鋪一面。如鳥翅及扇狀。俗呼扁竹。謂其葉扁生。而根如竹。花有白有黃有紅有紫。丹溪獨取紫花。必有試驗。近人呼為紫蝴蝶。開葯種紫蝴蝶根。又曰紫花扁竹根。即是此物。本經。主治喉痺咽痛。首方佐猪膏。以潤肺和胃。其力專。次方。加升麻。羚羊。解毒熱。蘆根通草。開痰熱。芍藥瀉陰熱。其力厚。均良法也。

虛熱浮腫

方 治病後虛腫。

豉五升。醇酒一斗。煮三沸。及熱頓服。不耐酒者。隨性覆取汗。

虛熱自汗方五首

方 治汗不止。

地黄三斤。切。以水一斗。煮取三升。分三服。

又方

白朮方寸匕。以飲服之。

又方

白木葉作飲飲之

汗之與血異名而同詞汗不止即血不止故重用地黃滋血以止汗又脾統血脾虛不攝致汗則用白木補脾或白木葉之流走四肢者以攝之血有所統則汗自斂

方 治卒得汗不止
温酒服牛羊脂

卒汗不止則非陰血不攝由風濕毒氣鬱於肌膚蒸為熱汗取牛羊脂之甘潤去風熱毒者借酒力以温行膚表散風熱而汗自收

又方

服尿亦止

虛熱盜汗 方六首

牡蠣散 治卧即盜汗風虛頭痛

牡蠣

白朮

防風 各三兩

右三味治下節酒服方寸匕日二止汗之驗無出於此方一切泄汗服之三

日皆愈神驗

虛熱盜汗陽越頭痛牡蠣散防風開肺表杜虛風白朮本經止汗除熱補脾土除虛熱牡蠣

斂心陽汗為心液止虛汗酒服温行一散一斂為風虛陽越盜汗之妙法

方止汗。

牡蠣

杜仲等分

右二味治下節夜臥以水服五錢匕。

虛熱盜汗。陰虧津泄。前方去防風白朮易杜仲。補腎陰。仍用牡蠣。斂心陽。水服和濟。為風虛陰虧盜汗之妙法。

粉方

麻黃根

牡蠣

雷丸各三兩

乾薑

甘草各一兩

米粉二升

右六味治下節。隨汗處粉之。

盜汗不可無粉法。麻黃根。

麻黃發汗。根節止汗。衰以其屬。能關能闔。雷丸。

別錄作摩膏。逐邪氣。惡風汗出。溫中。乾薑。

出汗。一寒一熱仍用牡蠣。別錄止汗。一散一斂。甘草米粉和濟。粉汗之方。無以易此。

通治方

方 治盜汗及汗無時。

韭根四十九枚。水二升。煮取一升。頓服。

又方

豉一升。以酒二升。漬三日服。不瘥更合服。不過三劑止。

洗方

死人席緣灰煮汁洗身瘡。

虛熱口苦

方 治熱病口苦下氣除熱喉中鳴煎。

石膏半升

蜜一升

右二味以水三升煮石膏取二升乃納蜜復煎取如飴含如棗核盡復合之
大良。

熱病口苦非膽汁之上溢即胃火之上炎苦從火化其理宜然石膏甘寒清胃更藉
蜂蜜甘緩潤喉使熱氣下行口苦去而鳴煎亦止。

虛熱口乾

方 治傷熱病後口乾喜唾咽痛。

大棗二十枚

烏梅十枚

右二味合搗蜜和含如杏核大咽其汁甚驗。

熱病後口乾廉泉開陰津溢喜唾咽痛烏梅酸平斂肺生津合大棗甘平和胃止唾
更和蜂蜜潤喉止痛凡喉舌病千金多主甘潤不主苦泄此秘法也。

虛熱乾嘔方四首

枯樓湯 治傷寒中風五六日已上。但胸中煩乾嘔。

枯樓實 一枚

黃芩

甘草 各三兩

生薑 四兩

大棗 十二枚

柴胡 半斤

右六味。以水一斗二升。煮取五升。絞去滓。通寒溫。服一升。日三。

虛熱乾嘔。傷寒中風五六日已上。胸中煩。少陽火鬱。枯樓湯。即小柴胡湯活法。柴胡

生薑止嘔逆。去半夏人參用黃芩。加枯樓實除煩滿。小柴胡加減例。若胸中煩而不

不必用半夏。煩不可用人參。今并去半夏。以煩嘔津乾。惟生薑辛潤得以上之。枯樓實除胸痺。小胸胸法也。 甘草大棗調脾胃。上焦得通。

津液得下。胃氣因和。而胸中煩乾嘔自愈。

蘆根飲子 治傷寒後嘔穢反胃及乾嘔不下食。

生蘆根 切

青竹茹 各一升

粳米 三合

生薑 三兩

右四味。以水七升。先煮千里鞋底一隻。取五升。澄清下藥。煮取二升半。隨便

飲。不瘥。重作取瘥。

虛熱乾嘔。傷寒後反胃。不下食。陽明火燥。蘆根飲子。輕用生薑。止嘔穢。重用生蘆根。

青竹茹。清痰熱。多取粳米。養胃津。尤妙。千里鞋底。即草鞋底。俗名草鞋。為千里馬。取陳草以退餘熱。

并履地親下。得土氣最多者。助蘆根竹茹所不及。而嘔穢反胃及乾嘔不下食亦除。

方 治傷寒後嘔穢

通草 三兩
生蘆根 切一升
橘皮 一兩
粳米 三合

右四味。以水五升。煮取二升。隨便稍飲。不瘥更作。取瘥止。

虛熱乾嘔。傷寒後。陽明火燥。如上法。易味。生薑橘皮。止嘔噦。重用生蘆根。佐通草。開痰熱。多取粳米。養胃津。而傷寒後嘔噦亦除。

方 治傷寒後。虛羸少氣。嘔吐。

石膏 一升
竹葉 二把
麥門冬 一升
人參 二兩

半夏 一升

右五味。以水一斗。煮取六升。去滓。納粳米一升。米熟湯成。飲一升。日三

服。一方加生薑五兩。此方正是仲景竹葉湯方。前卷汁後。門中已有此方。仍少甘草。分兩小別。

虛熱乾嘔。傷寒後。虛羸少氣。陽明火燥。變上法。生薑易半夏。止嘔吐。蘆根通草。易竹葉石膏。清痰熱。麥冬人參。益虛羸。仍用粳米。養胃津。而傷寒後。虛羸少氣。嘔吐亦愈。

虛熱衄血

方 治傷寒鼻衄。肺間有餘熱。故也。熱因血自。上不止。用此。

牡蠣 半兩
石膏 一兩六銖

右二味。治下篩。酒服方寸匕。日三四。亦可蜜丸。服如梧子大。用治大病瘥後。

小勞便鼻衄。

虛熱衄血。大病瘥後。肺間有餘熱。小勞血自上不止。太陰火逆。肺竅於鼻。屬太陰。石膏。清燥救肺。牡蠣。退熱。斂陰。酒以行之。蜜以和之。丸以緩之。而傷寒後。小勞血自上不止。鼻衄自除。

虛熱下利 方三首

方 治溫毒及傷寒內虛外熱攻胃下黃赤汁及爛肉汁赤滯下伏氣腹痛諸

熱毒

梔子二十枚

豉一升

薤白一握

右三味以水四升煮梔子薤白令熟納豉煮取二升半分三服頓服取瘥

虛熱下利溫毒及傷寒內虛外熱下黃赤汁及爛肉汁赤滯下伏氣腹痛諸熱毒仲景大病瘥後勞復原有枳實梔子豉湯今用梔子豉清心腹虛熱去枳實易薤白開腸胃滯痛而溫毒攻胃下黃赤汁及爛肉汁赤滯下伏氣腹痛諸熱毒以除

方 治傷寒後下利膿血

阿膠一兩

黃蘗二兩

黃連四兩

梔子十四枚

右四味㕮咀以水六升煮取二升去滓納阿膠更煎令消

分為三服

甲乙方無黃藥有黃芩

虛熱下利傷寒後但純膿血陽盛陰虛仲景婦人產後下利虛極原有白頭翁加甘

草阿膠湯今去白頭翁秦皮用黃連黃蘗加梔子吐熱以止利徐洄溪古方梔子皆人作湯以梔子炒黑不復吐全失梔子之意終當從古法生用為妙去甘草用阿膠降火以滋陰陽盛陰虛治法同而不同如此

麻黃升麻湯治傷寒六七日其人大下後脈沈遲手足厥逆下部脈不至咽

喉不利唾膿血泄利不止為難治。

麻黃 知母 姜莖一作蔞蒲 黃芩各三

升麻 芍藥 當歸 乾薑

石膏 茯苓 白朮 桂心

甘草 麥門冬各二兩

右十四味以水一斗先煮麻黃減二升去上沫納諸藥煮取三升分服

一升微取汗愈。

虛熱下利傷寒六七日大下後津竭脈沈遲陽虛手足厥逆下部脈不至陰絕咽喉不利唾

膿血泄利不止上熱下寒為傷寒壞症仲景厥陰病誤下泄利原有麻黃升麻湯今

用其法麻黃升麻合桂心開發伏陷之邪黃芩石膏知母清降鬱蒸之熱姜莖麥冬

養陰津芍藥當歸排膿血白朮乾薑救厥逆茯苓甘草止泄利法微取汗邪有出路

而大下後脈沈遲手足厥逆下部脈不至咽喉不利唾膿血泄利不止亦除。

虛脫下利

赤石脂禹餘糧湯 傷寒服湯藥而下利不止心下痞堅服瀉心湯竟復以他藥下之利不止醫以理中與之而利益甚理中治中焦此利在下焦此湯主之。

赤石脂

禹餘糧各一斤碎

右二味以水六升煮取二升分三服若利不止當利小便

虛脫下利心下痞堅治痞痢不止理中利益甚上熱下寒亦傷寒壞症赤石脂禹餘糧湯赤石脂禹餘糧温下固脫培土以制水利仍不止更濬川以防河小便利而大腸亦固前方開鬼門而此則兼潔淨府矣

蟲積下利

納方 治赤白膿小兒得之三日皆死此有蠶蟲在下部

麝香

礬石

巴豆

附子

真珠

雄黃

右六味等分治合取桑條如箭籜長三寸以綿纏頭二寸唾濡綿展取藥著綿上納穀道中半日復易之日再神效

蟲積下利赤白膿小兒得之三日皆死礬石雄黃真珠清濕熱麝香辟蟲毒本經附子巴豆攻堅積綿著納穀道不傷元氣足見神奇

勞復第二

論三首 食忌九條
方二十一首

勞復

論曰。病新瘥後。當靜臥。慎勿早起梳頭洗面。非但體勞。亦不可多言語用心。使意勞煩。凡此皆令人勞復。

食勞復

凡熱病新瘥。及大病之後。食猪肉。及羊血肥魚油膩等。必當大下利。醫所不能治也。必至於死。若食餅餌。棗黍飴。脯脩。及堅實難消之物。胃氣尚虛弱。不能消化。必更結熱。適以藥下之。則胃氣虛冷。大下利難禁。不下之必死。下之復危。皆難救也。熱病及大病之後。多坐此死。不可不慎也。

幹南按。素問評熱論。病已衰而熱有所藏。因其穀氣相薄。兩熱相合。故有所遺。視其虛實。調其從逆。可使必已。發明食勞復病。義極深細。

病新瘥後。但得食糜粥。宜少食。令飢。慎勿飽。不得他有所食。雖思之勿與之也。引日轉久。可漸食羊肉白糜。若羹汁。雉兔鹿肉。不可食猪狗肉也。

時病瘥後。未滿五日。食一切肉麩者。病更發。大困。

時病瘥後。新起飲酒。及韭菜。病更復。

時病新瘥。食生魚鮓。下利必不止。

時病新瘥。食生菜。令顏色終身不平復。

時病新瘥。汗解。飲冷水者。損心包。令人虛不復。

時病新瘥。食生棗及羊肉者。必膈上作熱蒸。

時病新瘥。食犬羊等肉者。作骨中蒸熱。

時病新瘥。食魚肉與瓜生菜。令人身熱。

時病新瘥。食蒜鱸者。病發必致大困。

女勞復

新瘥後。當靜臥。慎勿早起。梳頭洗面。非但體勞。亦不可多言語用心。使意勞煩。凡此皆令人勞復。故督郵顧子猷得病已瘥。未健。詣華專視脈曰。雖瘥尚虛。未得復。陽氣不足。慎勿勞事。餘勞尚可。女勞則死。當吐舌數寸。其婦聞其夫瘥。從百餘里來省之。經宿交接。中間三日。發熱口噤。臨死舌出數寸而死。病新瘥。未滿百日。氣力未平復。而以房室者。略無不死。有士蓋正者。病愈後六十日。已能行射獵。以房室則吐涎而死。及熱病房室。名為陰陽易之病。皆難治。多死。近者有一士大夫。小得傷寒瘥。以十餘日。能乘馬行來。自謂平復。以房室。即小腹急痛。手足拘拳而死。

勞復 方六首

黃龍湯

治傷寒瘥後更頭痛壯熱煩悶

仲景名小柴胡湯

柴胡 一斤

半夏 半升

黃芩 三兩

人參

甘草 各二兩

生薑 四兩

大棗 十二枚

右七味。以水一斗。煮取五升。去滓。服五合。日三。不嘔而渴者。去半夏。加栝樓根四兩。

傷寒瘥後。脾氣未運。膽火逆升。因勞復作。頭痛壯熱。煩悶而嘔。仲景傷寒瘥後更發熱。原有小柴胡湯。柴胡生薑半夏。達肝邪。人參甘棗。益脾氣。恰可移用。不嘔而渴。去半夏。加栝樓根。猶是常法。易名黃龍。足表變化神明之妙用。

枳實梔子豉湯 治大病瘥後勞復者。

枳實 三枚

梔子 十四枚

豉 一升 綿裹

右三味。以水七升。先煎減三升。次納枳實梔子。煮取二升。次納豉。煮五六沸。去滓。分再服。覆取汗。如有宿食者。納大黃。如博棊子五六枚。

大病瘥後。胃中空虛。客氣動膈。因勞復作。必有煩熱。胸中窒。及心中懊懣之候。仲景大病瘥後。勞復原有枳實梔子豉湯。梔子清上焦虛熱之邪。枳實開心胸痰涎之結。茲更用酢漿。先煎者。有開胃調中解煩之用。酸不取吐。而取汗。使餘邪仍從表出。若兼宿食。則加大黃。不取汗而取下。胃強食復。治法如此。

麥門冬湯 治勞復起死人。氣欲絕。用有效。

麥門冬一兩

京棗二十枚

竹葉切一

甘草二兩

右四味。以水七升。煮粳米一升。令熟。去米納諸藥。煎取三升。分三服。不能服者。綿滴湯口中。

大病瘥後。胃陰不充。餘熱未盡。勞復氣絕。仲景傷寒解後。虛羸少氣。氣逆欲吐。原有

竹葉石膏湯。茲用其法。麥門冬湯。去石膏。半夏人參。專用竹葉麥冬。本經麥冬主傷中。傷飽。胃絡脈

絕。清肺胃。甘草京棗。益虛勞。粳米先煮。生津液。藥雖平淡。能起死人。則神奇矣。

方 補大病後不足虛勞。萬病虛勞同用。

取七歲已下。五歲已上。黃牛新生者乳一升。以水四升煎取一升。如人體溫。稍稍飲之。不得過多。十日服不絕為佳。

大病瘥後。胃陰不充。真液內耗。嫩黃牛新生乳。養心肺。補虛羸。以有情精血。飲食消息。緩緩調復。良法也。

方 欲令病人不復。

燒頭垢。如梧子大。服之。

方 治病後勞復。或因洗手足。或梳頭。或食等勞復。

取洗手足汁。飲一合。又取頭中垢。如棗核大。吞一枚。

病後勞復。既因洗手足。或梳頭起。即以洗手足汁。及頭中垢。飲吞。即經言。衰以其屬。

之法。頭垢推陳致新。特取陽氣之上達者。為之升發。即不因洗手足梳頭。或食勞復。亦有殊功。故上方有令病人不復之效。

食復

方 治病新瘥。遇美飲食。食過多食。復者。

取所食餘。燒作末。飲調服。二錢。七日。三服。

亦經言。衰以其屬之義。

食勞復 方四首

方 治傷寒瘥後一年。心下停水。不能食。

生地黃 五斤 白朮 一斤 好麴 二斤

右三味。合搗。相得。暴乾。下篩。酒服。方寸匕。日三。加至二匕。

傷寒瘥後一年。胃氣尚弱。宿食不消。心下停水。不能食。生地黃本經。除寒熱。精聚。別錄。去胃中宿食。飽力。絕斷消積滯。白朮。燥土濕。好麴。化穀食。酒服。溫行。而心下停水。不能食。亦愈。

方 治食勞

麴一升。煮取汁。服之。

又方

杏仁五十枚。以酢二升。煎取一升。服之。取汗。

杏仁利肺氣。潤大腸。合酢酸苦。均有消食去積之功。不取吐而取汗。上焦得通。津液得下。胃氣因和。而食勞自愈。真神術也。

又方

燒人屎灰。水服方寸匕。

食復兼女勞

方 治新瘥早起。及食多勞復。

豉五合

鼠屎二十一枚
尖頭者

右二味。以水二升。煮取一升。盡服之。溫卧。令小汗愈。崔氏加梔子七枚。尤良。肘後有麻子仁。納一升。

加水一升。亦可。納枳實三枚。葱白一虎口。

食復。挾女勞。新瘥早起。及食多勞復。謂女勞。謂女毒熱深入厥陰。香豉芳香。蒸變以調氣。鼠屎。

入足厥陰肝經。甘寒開泄。以瀉肝。溫卧。令小汗。使毒熱深入。仍從外出。崔氏加梔子。肘後

加麻仁。或枳實。葱白。若恐餘熱滯氣。猶有未盡者。其用意可謂周密矣。

方 治傷寒溫病後勞復。或食。或飲。或動作。

梔子仁七十枚 石膏五兩 鼠屎安頭大者二十枚 香豉一升

右四味㕮咀。以水七升。煮取三升。分三服。

食復挾女勞。傷寒温病後。或食或飲。或動作勞復。謂女勞毒熱深入。厥陰。香豉加梔子石膏。甘寒。以清胃。鼠屎甘寒。以瀉肝。方下雖不言汗。然同用香豉鼠屎。亦必温卧。小汗。使毒熱深入。仍從外出。而飲食動作勞復亦除。

方 治食大飽不消。勞復脈實者。

豉一升 鼠屎二十枚 梔子七枚 大黃三兩

右四味㕮咀。以水六升。煮取二升。分三服。微取汗。應小鴨澇者止。不澇者復作。

食復挾女勞。大飽不消。勞復。謂女勞。素問厥論。數醉若飽。證如前。惟脈實。熱毒深入。厥陰。結於陽明小異。前枳實梔子加大黃。既為勞復有宿食立法。今兼女勞。梔子以涼膈。鼠屎以瀉肝。去枳實加大黃。以通胃。覆微取汗。及小鴨澇。使毒熱深入。仍從外出。而大飽不消。勞復脈實亦除。

方 治重病新瘥。早起勞。及飲食多。致復欲死。

燒蠶甲末。飲服方寸匕。

食復挾女勞。重病新瘥。早起勞。及飲食多。致復勞死。必有勞熱堅積在裏。非蠶甲不

能深入厥陰搜邪而消積燒灰尤去滯氣所以得力。

方 治勞復垂死。

煖湯三合洗四五歲女子陰取汁納口中服即愈。小男兒亦得。

女勞復垂死未有挾食四五歲女子陰洗汁以陰補陰奇妙不可思議。小男兒陰陰中之陽亦得兼補之義所以取四五歲女子及小男兒者天全故也。

陰陽易附

論曰婦人溫病雖瘥未若平復血脈未和尚有熱毒而與之交接得病者名為陰易之病其人身體重熱上衝胸頭重不能舉眼中生眵睛四肢膝拘急小腹絞痛手足拳皆即死其亦有不即死者病苦少腹裏急熱上衝胸頭重不欲舉百節解離經脈緩弱血氣虛骨髓竭使噓噓吸氣力轉少著牀不能動搖起止仰人或引歲月方死醫者張苗說有婢得病瘥後數十日有六人姦之皆死。

方 治婦人得病易丈夫丈夫得病易婦人。

取女人中視近隱處燒服方寸匕日三小便即利陰頭微腫此為愈矣。女人病可取男視一如此法。

方 治男子新病起近房內復者。

取女人月經赤帛燒服方寸匕亦治陰卵腫縮入腹絞痛欲死勝脫。門治女勞復

衣合血燒灰熱病水服寒病酒服起死回生不傳之秘

方 治交接勞復陰卵腫縮腹中絞痛便欲死

取所交接婦人衣裳以覆男子立愈

方 令病人不復

取女人手足爪二十枚女人中衣帶一尺燒以酒若米飲汁服之

幹南按女勞復為自病因房室而復陰陽易為自無病因房室而易女勞復壯熱頭痛煩悶心中懊懣甚則胸窒心結痛病情總與梔子豉症相類故以梔子豉為主而用鼠屎入陰出陽以攻毒熱陰陽易病情不一惟以陰卵腫縮腹中絞痛為的驗本無藥可治仲景獨有燒棍散一法千金廣其義而用月經赤帛婦人衣裳及手足爪中衣帶等物同氣相求莫名其妙兩症重者均足致死非藥所能救可不慎歟

理髮附

通頭法 治病後頭亂不可理

生麻油二升將頭髮解開安銅沙羅中用油淹漬之細細將釵子領髮斯須并自通

百合病第三

論二首
方七首

論曰百合病者謂無經絡百脈一宗悉致病也皆因傷寒虛勞或誤汗吐下大病已後不平復變成斯病

百合之為病令人意欲食復不能食或有美時或有不用聞飲食臭時如有寒其實無寒如有熱其實無熱常默默欲臥復不得眠至朝口苦小便赤澀欲行復不能行諸藥汗吐不能治治之即劇吐利如有神靈所為也

百合病身形如和其脈微數其候每溺時即頭覺痛者六十日乃愈百合病候之溺時頭不覺痛淅淅然寒者四十日愈百合病候之溺時覺快然但覺頭眩者二十日愈百合病症其人或未病而預見其候者或已病四五日或病一月二十日後見其候者治之或吐下汗喜誤也每言醫者易誤依症治之

百合病其狀惡寒而嘔者病在上焦也二十三日當愈其狀腹滿微喘大便堅三四日一大便時復小澹者病在中焦也六十三日愈其狀小便淋瀝難者病在下焦也三十三日當愈各隨其症以治之

論曰百合病熱盛於內見在於陰而攻其陽則陰不得解也復發其汗為逆也熱盛於外見在

於陽而攻其陰則陽不得解也復下之其病不愈要畧云見於陰者以陽法救之見於陽者以陰法救之見陽攻陰復

發其汗此為逆其病難治見陰攻陽乃復下之此亦為逆

幹南按百合病即腦病也無經絡百脈一宗者言百脈皆系於腦腦為髓海其輸上在於其蓋兩語見靈樞海論其蓋即腎脈之百會從太陽暈出下項貫脊而迴絡於周身細

者至如牛毛西醫初謂腦氣筋知覺運動須由於此內而陰陽百脈無不會歸

於腦故曰一宗無經絡者言無一定經絡即病情亦不能專屬何經何臟故名

為百合夫腦者陰也見素問解精微論藏也五臟別論腦髓為臟地氣之所生皆藏於陰元神之所藏也頭

為精明之腑見脈要精微論腦即精明之臟靈海論髓海有餘則輕勁多力自過其度

髓海不足則脛痠眩冒目無所見懈怠安卧今百合病欲食不食欲卧不卧欲

行不行寒不知寒熱不知熱精神默默皆神經昏惑煩擾無奈之狀非腦病而

何大抵傷寒虛勞大病後真液告匱虛火內擾肺熱移於腦其見症朝口苦為

膽熱溺赤澇為膀胱熱皆腦熱之變其症之最易辨者為溺其頭痛素問奇病

論髓以腦為主腦逆故令頭痛又五臟生成論頭痛巔疾下虛上實過在足少

陰巨陽即太陽屬膀胱其直者從巔入絡腦巨陽王氣絡腎虛則不能引

精上達於腦故溺時頭痛若溺時頭不痛則腦髓深藏不能動搖但泝泝然寒

熱邪尚在太陽之表猶未傷腦溺時覺快然則腦髓精明不生昏亂但覺頭眩

餘邪尚在太陽之表猶未及腦夫頭為諸陽之會諸陰脈又皆上應於頭刺熱

論心肺熱病皆頭痛厥論太陰之厥不欲食食則嘔不得卧少陰之厥口苦

溺赤厥陰之厥。涇洩不利。巨陽之厥。足不能行。少陽之厥。筋不可以運。其候種
種與百合病同。蓋經逆而厥。即腦逆而厥。百脈兼合於腦。即諸症并見於腦。但
分上中下。焦隨其症之陰陽以治之。總不能離百合一物以為之主。其證汗吐
下皆不能用。如病見在陰。為熱盛於內。宜通陽利小以導陰。代格湯而反汗
以攻其陽。則陰不得解為逆。病見在陽。為熱盛於外。宜用陰以和陽。湯百合如母
子而反下以攻其陰。則陽不得解。亦為逆。病本在腦髓不在經絡。臟腑諸藥不
能治。治徒傷胃。即劇吐利。腦髓反脅亂。如神靈所為。不能自持而已。此思邈之
微旨。後人未經發明者也。

又按膽移熱於腦。合於陽明。行身之面。則辛額辛謂酸痛鼻淵。濁涕不止。轉為衄。蟻
瞑目。得之氣厥。素問氣厥論肺移熱於腦。合於太陽。行身之背。則頭痛溺瀉。寒熱如
無。防於飲食。起卧如有神靈。均之腦熱。而由膽熱致者。治當以苦寒。由肺熱致
者。治當以甘寒。此生理學。化學。藥物學之精微。通乎天地之玄奧者也。

百合本病

百合地黃湯 治百合病。始不經發汗吐下。其病如初者。

百合七枚擘。浸一宿去汁。以泉水二升。煮取一升。納生地黃汁二升。復煎取
一升半。分再服。大便當去。惡沫為候也。

百合病。自以百合同類。主治百合色白多瓣。象腦。又名蒜腦。諸本經。治心腹邪氣。利大小便。原非以百合病。主治得名。但形象腦。故以形為治。大法百合病。用百合為君。各隨陰陽見症。以為解。今陰陽熱俱盛。熱盛於內外當退陽滋陰。不經發汗吐下。熱邪如初。是始終陰陽熱不得解也。其熱愈深。百合地黃湯。百合清腦。加地汁滋陰。泉水更妙。推新之用。服後去惡沫為候。而病在陰或陽之腦熱自除。

百合壞病 方三首

百合知母湯 治百合病已經發汗之後更發者。

百合七枚 知母 三兩

右二味以泉水。泉水推陳出新能鎮心先洗漬百合一宿。當沫出水中。明日

去水取百合。更以泉水二升。煮百合取一升。置之。復取知母切。以泉水二

升。煮取一升。汁。合和百合汁中。復煮取一升半。分再服。更依法合服。

百合病。用百合為君。各隨陰陽見症。以為解。今病見於陽。熱盛於外當用陰以和陽。已經

發汗。熱當解。乃病更發。是發汗。陽不得解也。其熱愈盛。百合知母湯。百合清腦。加知

母。瀉肺火。滋腎水。本經下水補不足。滋水。泉水更妙。推新之用。而病在於陽之腦熱亦除。

百合雞子湯 治百合病已經吐之後更發者。

百合七枚。擘。漬一宿。去汁。以泉水二升。煮一升。取雞子黃一枚。納汁中。攪令

調分再服。

百合病。自以百合為君。各隨陰陽見症以為解。今病見於陽。熱盛於外當用陰以和陽。已經吐後。熱邪當解。乃病更發。是取吐陽不得解也。其熱愈盛。百合雞子湯。百合清腦。加雞子黃補陰。泉水更妙。推新之用。而病在於陽之腦熱亦除。

百合滑石代赭湯 治百合病。已經下後更發者。

百合十枚 滑石三兩 代赭一兩

右三味。先以泉水漬百合一宿去汁。乃以水二升煮百合。取一升去滓。又以水二升煮二物。取一升。納百合汁如前法。復煎取一升。分再服。

百合病。自以百合為君。各隨陰陽見症以為解。今病見於陰。熱盛於內當通陽利小便以導

陰。已經下後。熱邪當解。乃病更發。是攻下陰不得解也。其陰轉逆。百合滑石代赭湯。

百合清腦。加滑石利竅。代赭鎮逆。泉水更妙。推新之用。而病在於陰之腦熱亦除。

百合變病 方三首

方 治百合病。經月不解。變成渴者。

百合根一升。以水一斗漬之一宿。以汁先洗病人身。也洗身後。食白湯餅。勿

與鹽豉也。渴不瘥。乃用栝樓根。并牡蠣。等分為散。飲服方寸匕。日三。

百合變病。亦以百合為君。治經月不解。變成渴。熱在胃口。但以百合根洗身。使熱透

於外。白湯餅淡食。使甘和於內。渴不瘥。再與栝樓根生津。牡蠣壯水散以散之。變洗為飲。渴止。而腦熱變病亦除。

方 治百合病變而發熱者。

百合根乾之一兩 滑石 三兩

右二味治下篩。飲服方寸匕。日三。當微利即除。一本云治百合病。小便赤澀。臍下堅急。

百合變病。亦以百合為君。久不解。變而發熱。熱入膀胱。用前白合滑石代赭湯。以百合根清。腦去代赭之沈澆。取滑石之滑利。散以散之。下篩飲服。使發熱得微利而解。小便赤澀。臍下堅急去。而腦熱變病亦除。

方 治百合病變腹中滿痛者。

但取百合根。隨多少。熬令黃色。搗篩為散。飲服方寸匕。日三。滿消痛止。

百合變病。亦以百合為君。久不解。變腹中滿痛。熱入大小腸。百合根。本治邪氣腹脹心痛。熬黃不煮。微與甘和。以盡百合之能。變散以散之。搗篩飲服。腹滿痛止。而腦熱變病亦除。

幹南按百合病。自以百合地黃湯為陰。陽見症。正治之法。前四方。經汗吐下而更發者。用湯用泉水。後三方。未經汗吐下而變病者。用散不用泉。具有深意。總

之此症熱在腦隨不在經絡臟腑汗吐下之法諸病可用百合病不可用也

傷寒不發汗變成狐惑病第四

論一首方三首

論曰狐惑之病其氣如傷寒。嘿嘿欲眠目不得閉起臥不安其毒在咽喉為惑病。在陰肛者為狐病。狐惑之病并惡食飲不欲食聞食臭其面目翕赤翕白翕黑毒食於上者則聲喝也。作喝一毒食下部者則乾咽也此由溫毒氣所為食於上者瀉心湯主之。大黃黃連瀉心金匱食於上則聲嘔甘草瀉心湯王之醫宗金鑑以為傳寫之誤。食於下者苦參湯淹洗之食於肛外者

熏之并用雄黃三片稍置瓦瓶中炭火燒向肛熏之并服湯也。均已上治法均見金匱。

幹南按狐惑病疳濕病也。義見千金翼。傷寒不發汗濕停熱鬱上蒸於腦因成疳蠶

默欲眠目不得閉起臥不安精神恍惚狐疑迷惑與百合腦病相同但百合腦

病在熱狐惑腦病在濕濕蠶生蟲即為疳食金匱因疳食上下而別為狐惑考

千金翼疳濕之為病或熱或寒病如瘧狀或時睡眠嗜臥食少若蟲已入腦病

難愈蟲未入腦醫可瘥明明以疳濕關係於腦今蟲未入腦食於咽喉上部則

聲喝。濕熱傷氣。食於陰肛下部則乾咽。濕熱傷津。若肛食爛盡見五臟即死。語見千金翼疳濕第六。

此皆傷寒餘毒所結其症候惡飲食不欲食聞食臭面目乍赤乍白乍黑皆蟲氣

所為諸書皆以唇紅面青或面生白點定為蟲候又謂上唇有點蟲蝕上部下唇

有點蟲蝕下部病情猶未若斯之顯也金匱以狐惑次百合病後千金因之旨深哉

濕熱溫毒

方 治狐惑

黃連

薰草各四兩

右二味。以水一斗。漬之一宿。煮取二升。分為三服。

疳濕病。腦積熱。溫毒。狐惑。前論食於上者。瀉心湯。以中有黃連。清熱解毒。治疳。殺蟲。故也。此方兼治食於上下。狐惑用瀉心法。去大黃。以黃連為主。薰草即零陵香。芳香透達。去臭惡氣。加入酢漿。推陳致新。以辟除濕。蠶味少力專。其功不在大黃。黃連瀉心之下。

濕熱成膿

赤小豆當歸散 其人脈數。無熱微煩。默默但欲臥。汗出。初得之三四日。眼赤如鳩眼。得之七八日。其四皆黃黑。能食者。膿已成也。此散主之。

以赤小豆三升。漬之。令生牙足。乃復乾之。加當歸二兩為末。漿水服方寸匕。日三即愈。

疳濕病。腦積熱成膿。狐惑。默默欲臥。汗出。目赤。背黃黑。火伏於內。毒發於外。咽瘡。肛腐。急與消腫排膿。免其蝕爛深入五臟。致危。赤小豆當歸散。以赤小豆浸生牙足。取其蒸發生氣。泄熱消腫。合當歸通血排膿。相需為用。蓋脈數微煩。而無熱。顯屬血虛。

濕鬱膿成不化不得不變黃連之苦寒而用赤豆當歸之甘溫以佐瀉心所不及
濕熱腐腫

瀉心湯 其病形不可攻不可灸因火為邪血散脈中傷脈尚可傷臟則劇并
輸益腫黃汁出經合外爛肉腐為癰腫此為火疽醫所傷也夫脈數者不可
灸因火為邪即為煩因虛逐實血走脈中火氣雖微內攻有力焦骨傷筋血
難復也應在瀉心湯兼治下利不止腹中幅堅而嘔吐腸鳴者

半夏半升

黃芩

人參

乾薑各三兩

黃連一兩

甘草三兩

大棗十二枚

右七味哎咀以水一斗煮取六升分服一升日三仲景名半夏瀉心要畧用甘草瀉心

疳濕病腦積熱癰腫狐惑血散脈傷汗出肉腐火伏於內毒淫於外下痢嘔吐致成
壞症瀉心湯黃連佐黃芩以治燥蠶千金翼惠濕蠶蟲下痢赤白亦有燥蠶不甚洩痢而下部瘡癢者半夏乾薑以
治濕蠶寒熱互用參甘大棗和濟兼施仲景本名半夏瀉心千金但名瀉心不治痞
而治疳且治臟傷肉腐之疳用佐赤小豆當歸散所不及

幹南按千金瀉心湯映北宋本用連芩夏薑參甘棗即仲景之半夏瀉心張氏
衍義則用連芩大黃為仲景之大黃黃連瀉心矣此症因火傷脈心熱內煩非
連芩不解由脈傷臟下痢嘔吐脾寒內結非夏薑不解血散難復氣因益虛膿

蝕內陷。非人參甘棗不復。若單用大黃黃連於方下吐痢腹堅腸鳴諸症不協。總之論首所言瀉心治蟲蝕上部聲嘎。金匱之大黃黃連瀉心也。後方所言瀉心治蟲蝕上下部癰腐壞症。金匱之半夏瀉心也。當以映北宋本為方與症合。惟明眼人正之。

又按傷寒雜治第十。下痢門赤白下膿小兒得之三日皆死。此為蠶蟲在下部。方用礬石雄黃收濕化蠶。附子巴豆通陽消積。真珠麝香辟邪解毒。治合著綿。納穀道中。能起死人。此症瘕濕下利不止。可以兼用。

傷寒發黃第五

論一首 證五條 方三十四首

灸圖三首

論曰黃有五種有黃汗黃疸穀疸酒疸女勞疸

黃汗者身體四肢微腫胸滿不渴汗出如黃藥汁良由大汗出卒入水中所致

黃疸者一身面目悉黃如橘濕熱下注膀胱故黃現一身面目小便必不利裏實者必腹滿由暴得熱以冷水洗之

熱因留胃中食生黃瓜薑上所致黃成黑疸者多死

穀疸者食畢頭眩心忪怫鬱不安而發黃邪熱怫鬱陽明故黃發于面由失飢大食胃氣衝熏所

致

酒疸者心中懊痛足脛滿酒濕下流小便黃面發赤斑黃黑酒濕上蒸由大醉當風入水所致

女勞疸者身目皆黃發熱惡寒黃家之為病日晡所發熱而反惡寒此為女勞疸小腹滿急小腹當膀胱之部小便

難又金匱女勞疸小便自利由大勞大熱而交接竟入水所致但依後方治之

乾南按諸黃家其人素有積熱外被風寒相搏水溼浸入注於膀胱膀胱主一

身肌表久久鬱蒸黃即外發肌理疏者熱越於表但發黃汗肌理密者熱留於

胃胃屬陽明主肌肉遂成黃疸穀疸酒疸女勞疸又其加入之原因黑疸由酒疸誤下

傷營與女勞疸過極傷腎多死大旨黃疸穀疸胃熱酒疸心熱女勞疸腎熱金匱

更有男子黃脾虛勞傷所致不盡顯女勞其證皆小便不利或黃赤疸而渴熱深難治疸而不渴熱淺

易治尤要辨表裏虛實小便不利在表大便閉在裏黃而鮮潤能食脈浮為陽

黃。又素問平人氣象論。黃而黯晦。不能食。脈沈遲。為陰黃。又靈樞論。疾診尺痛。已食而飢者。胃疸。

嗜食。諸黃主脾土。土寄旺於四季之末。各十八日。全置病以十八日為期。治之十

日以上。瘥反劇。則土敗難治。

黃汗之為病。身體洪腫。發熱汗出。不渴。汗出而渴。熱深。若汗出不渴。熱尚淺。狀如風水。汗染衣色。正黃

如藥汁。其脈自沈。惟水故。脈沈。從何得之。此病以汗出入水中浴。水從汗孔入得之。

風溼在表

黃耆芍藥桂苦酒湯 治黃汗。

黃耆 五兩

芍藥 三兩

桂心 二兩

右三味。以咀。以苦酒一升。水七升。合煎取三升。飲二升。當心煩也。至六七日

稍稍自除。心煩者。苦酒阻故也。

黃汗經病。經即表。風溼在表。身洪腫。發熱汗出。脈應浮而反沈。義見前論。黃耆芍藥桂苦酒

湯。取桂枝湯之半。輕用桂心芍藥。和營。重用黃耆。實衛。尤妙。苦酒泄水氣。消腫滿。汗

微腫。胸滿。四肢

散而能斂。使汗微阻於內。心先煩而後快。為桂枝湯減味之變法。

黃疸之為病。疸而渴者。其病難治。疸而不渴。其病可治。發於陰部。其人必嘔。溼熱發

於陽部。其人振寒而微熱。溼熱在表。

風濕在表 方三首

桂枝加黃耆湯 諸病黃疸宜利其小便假令脈浮當以汗解宜此湯

桂枝

芍藥各三兩

甘草二兩

生薑三兩

大棗十二枚

黃耆五兩

右六味㕮咀以水八升微火煎取三升去滓溫服一升覆取微汗須臾不汗者飲稀熱粥以助湯若不汗更服湯

黃疸經病風溼在表振寒發熱其人小便不利宜利小便脈不沈而反浮當以汗解桂枝加黃耆湯取桂枝湯之全輕用桂枝芍藥甘草生薑大棗解肌重用黃耆實衛變若酒之斂津為熱粥之充胃覆取微汗上焦得通津液得下振寒發熱解小便利而黃疸亦除為桂枝湯加味之變法

麻黃醇酒湯 治傷寒寒熱出表發黃疸

麻黃三兩醇酒五升煮取一升半盡服之溫覆汗出即愈冬月寒時用清酒

春月宜用水

黃疸經病風溼在表寒熱無汗衛氣過實取麻黃湯一味麻黃醇酒湯獨用麻黃表散風溼醇酒升發陽氣溫覆取汗寒熱散而黃疸亦除為麻黃湯減味之變法

麻黃連翹赤小豆湯 治傷寒痰熱在裏身體必發黃

麻黃

連翹

甘草各二

生薑三兩

大棗十二枚

杏仁三十枚

赤小豆一升

生梓白皮切二升

右八味。㕮咀。以勞水一斗。先煮麻黃。去沫。納諸藥。煎取三升。分三服。

黃疸經病。風溼在表。無汗。癢熱過深。麻黃連翹赤小豆湯。取麻黃湯之半。麻黃杏仁

甘草生薑大棗。加連翹梓白皮。熱本經治毒散風熱。赤小豆通溼。癢勞水。即甘瀾水。金匱方取瀉水。輕

揚。甘緩。溫覆取汗。癢熱去。而黃疸亦除。為麻黃湯加味之變法。

已上黃疸汗法。

幹南按麻黃連翹赤小豆湯中用赤豆梓皮汗兼利法前三方熱越膀胱之表

故取汗而疸自除。此方熱癢膀胱之裏。故兼利小便而疸始解。

癢濁在上方二首

方 治黃疸

瓜蒂

赤小豆

秫米各二枚

右三味。治下節。病重者。取如大豆二枚。納著鼻孔中。痛縮鼻。須臾當出黃汁。

或從口中出汁。汁餘則愈。病輕者。如一豆不瘥。間日復用。又下里間。以筒使

人極吹鼻中。無不死。大慎之。剛繁療天行毒熱通貫臟腑沈伏骨髓之間或為黃疸黑疸赤疸白疸穀疸馬黃等症喘息須

絕不

黃疸經病。瘀濁在上。法當用吐。無過瓜蒂。赤小豆。變引吐為搐鼻。出黃水。以治頭中寒溼。發熱面黃。頭痛鼻寒。千金用瓜蒂赤小豆加朮米。外臺多變引吐為搐鼻。出黃汁。以治胸中瘀濁。或從鼻。或從口。不吐之吐。各有所宜。丁香。取效尤捷。

秦椒散 治黃疸飲少溺多。

秦椒六銖 瓜蒂半兩

右二味治下篩。水服方寸匕。日三。古今錄驗。用治膏疸。

黃疸經病。瘀濁在下。飲少溺多。膏疸肉疔。皆飲淋瀝。不止。秦椒散秦椒温肺泄濁。瓜蒂開膈吐涎。變搐鼻為飲服下病上。取升達膀胱邪有出路。而黃疸自愈。

己上黃疸吐法。

濕熱在裏

苦參散 治人無漸。忽然振寒發黃。皮膚黃。麴塵出。小便赤少。大便時秘。氣力

無異。飲食不妨。已服諸湯散。餘熱不除。久黃者。此散吐下之。

苦參 黃連 瓜蒂 黃蘗

大黃各一兩 葶藶二兩

右六味治下篩。飲服方寸匕。當大吐。吐者日一服。不吐日再服。亦得下。服五

日知。可消息。不覺退更服之。小折便消息之。

黃疸經病入腑。瘀熱在裏。忽然振寒發黃。皮膚麤塵出。小便赤少。大便時秘。餘熱不除。久黃。苦參散。苦參佐瓜蒂。涌濕痰。葶藶。利飲結。黃連黃蘗合大黃。瀉痰熱。吐所不能盡者。下得而去之。上焦得通。津液得下。邪有出路。而忽然振寒。皮膚麤塵出。小便赤少。大便秘。餘熱久黃亦除。忽然振寒成久黃。與下源發熱心靴為急黃。則卒寒而無熱。一則外熱而心寒。病情緩急不同。病勢輕重亦異。

此方黃疸吐下法。

濕熱在裏 方十一首

方 治風疸。小便或黃或白。洒洒寒熱。好卧不欲動。

三月生艾 一味搗取汁。銅器中煎如漆。密封之。

大黃

黃連

凝水石

枯樓根

苦參

葶藶 各六銖

右六味末之。以艾煎和。先食服如梧子五丸。日二。可至二十九。有熱加苦參。

渴加枯樓。小便澀。加葶藶。小便多。加凝水石。小便白。加黃連。大便難。加大黃。

黃疸經病入腑。濕熱在裏。風疸。洒洒寒熱。好卧不欲動。小便或黃或白。重用生艾。辟

風寒。別錄。輕用苦參黃連。合枯樓根。別錄。治八疸。身面黃。凝水石。清濕火。葶藶。利飲結。大黃。瀉痰

熱。方後大便難。再加大黃。上焦得通。津液得下。邪有出路。而洒洒寒熱。好卧不欲動。

小便或黃或白。大便難。風疸亦除。

大黃丸 治黃疸。

大黃

葶藶子各二兩

右二味末之。蜜和丸如梧子大。未食服十九日。三病差止。

又方

大黃 二兩

黃連 二兩

黃蘗

黃芩 各一兩

麩衣 五合

右五味末之。蜜和丸如梧子。先食服三九日。三不知加至五九。

兩方即上法。蜜丸和劑。緩與通下。次方重用麩衣。即麥麩黃衣。鬱蒸生綠塵者。調中下氣。療食疸黃疸。具有專長。亦要藥也。

大黃黃蘗梔子芒消湯 黃家腹滿。小便不利而赤。自汗出。此為表和裏實。當

下之。

大黃 三兩

黃蘗 四兩

梔子 十五枚

芒消 四兩

右四味。以水六升。煮取二升。去滓。納芒消。復煎取一升。先食頓服之。

黃疸經病入腑。濕熱在裏。腹滿。小便不利而赤。自汗出。表雖和。裏則實。急與通下。大黃黃蘗梔子芒消湯。大黃。瀉腹滿。梔子黃蘗。通淋熱。仲景。梔子蘗皮。湯治身黃發熱。芒消。開痰結。大

小便利而腹滿自除。良法也。

方 治急黃熱氣骨蒸兩目赤脈

大黃半兩

生地黃汁八

芒消一兩

右三味合和。一服五合。日二。以利為度。不須二服。

黃疸經病入腑。濕熱在裏。時行急黃。熱氣骨蒸。兩目赤脈。瘀雖實。血則虛。微與通下。輕用大黃。芒消。瀉瘀結。重用生地汁。滋血虛。大便秘利。而熱氣骨蒸。兩目赤脈。急黃亦除。

茵陳蒿湯

治傷寒七八日。內實。瘀熱結。身黃如橘。小便不利。腹微脹滿。下之。

茵陳六兩

梔子十四枚

大黃三兩

右三味。以水一斗二升。煮茵陳。得五升。去滓。納梔子。大黃。煎取三升。分

服一升。日三。小便當利。如皂莢沫狀。色正赤。當腹減。黃悉隨。小便去也。范注。用療。

殺疸。小品方。用石膏一斤。

黃疸經病入腑。法宜用下。惟仲景下法。則以茵陳蒿佐大黃。為要藥。茵陳本經主熱結黃疸。兼利小便。合梔子以清心胞。佐大黃以通胃腑。先煮茵陳。則黃從小便出。此以利為下之妙法。而實瘀熱結。身黃如橘。小便不利。腹微脹滿亦除。

方 治發黃。

茵陳

黃蘗

梔子

大黃各二兩

黃連二兩

右五味。㕮咀。以水九升。煮取三升。分三服。先服湯。後服丸。

丸方

大黃五兩

茵陳

梔子各三兩

黃芩

黃蘗

黃連各二兩

右六味。末之。以蜜丸。白飲服。如梧子二十丸。令得微利。

方 治發黃。身面眼悉黃如金色。小便如濃者。藥汁。眾醫不能療者。

茵陳

梔子各二兩

黃芩

柴胡

升麻

大黃各三兩

龍膽二兩

右七味。㕮咀。以水八升。煮取二升七合。分三服。若身體羸為虛熱。去大黃。加梔

子仁五六兩。生地黃一升延年秘錄。無茵陳有梔子四兩。括樓三兩。芒消二兩。近效方。加枳實二兩。夫發黃已久。

變作桃皮色。黃而紫黯。為桃皮色。心下有堅。嘔逆不下。飲食。小便極赤少。四肢逆冷。脈

深沈。極微細。溼者。不宜服。此方。得下。必變。吮也。宜與大茵陳湯。除大黃。加生

地黃。五兩。服盡。消息。看脈。小浮出。形小。見不甚沈。微便可治也。脈浮。見者。黃

尚明。不復桃皮色。心下自寬也。大茵陳湯方。出下酒。疸子一味者是。

此方仍用茵陳大黃合梔子黃芩加龍膽升麻柴胡為升陽散火法以其血虛邪陷於陰故用生地汁即前急黃骨蒸目赤方用生地汁之義內伏真熱外現假寒倘以薑附辛熱瀉之則殺人矣

茵陳蒿湯 主黃疸身體面目盡黃

茵陳 黃連各三兩 黃芩二兩 大黃

甘草 人參各一兩 梔子二七枚

右七味哎咀以水一斗煮取三升分三服日三亦治酒疸酒癖

此方仍用茵陳大黃合梔子黃芩黃連為涼膈瀉心法以其氣虛邪陷於陽故用人參甘草即前傷寒於熱發黃麻黃連翹赤小豆湯用甘草大棗之義

茵陳丸 治時行病急黃并瘡癩疫氣及瘡瘰二日一發者為瘡瘰瘵與瘡同

茵陳 梔子 芒消 杏仁各三兩

巴豆 恆山 鱉甲各二兩 大黃五兩

豉五合

右九味末之以饒為丸飲服三丸如梧子以吐利為佳不知加一丸神方初覺體氣有異急服之即瘥

急黃卒病時行毒熱鬱發命在頃刻與尋常發黃不同巢源但言脾胃穀熱千金直明瘡癩疫氣前治急黃熱氣骨蒸兩目脈赤重用生地汁佐大黃芒消以解毒熱此

治急黃熱氣瘡瘡寒熱積聚變用恆山吐瘡 鼈甲別錄療溫瘧本 巳豆本經治傷寒

合茵陳大黃芒消梔子香豉吐梔子豉 杏仁以攻毒熱前方為體虛毒熱治法此方為

體壯毒熱治法妙錫九甘緩且力猛藥小雖吐利而元氣不傷

巢源急黃候脾胃有熱穀氣鬱蒸因為熱毒所加故卒然發黃心滿氣喘命在

頃刻故云急黃有得病即身體面目發黃者有初不知是黃死後乃身面黃者

其候得病但發熱心戰者是急黃也

已上黃疸下法

濕熱在裏方二首

礬石滑石散 濕疸之為病始得之一身盡疼發熱面色黑黃七八日後壯熱

在裏熱在膀胱之裏 有血當下由小便 去之如狔肝狀其熱或無壯 小腹滿者

亦可決其內必 有血由小便 亦一身盡黃目黃且蓄血之最 腹滿易徵者尤在 腹滿小便不利

右二味治下篩大麥粥汁服方寸匕日三當先食服之便利如血者已當汗

出塞

黃疸經病入腑濕熱在裏腹滿小便不利有下法即有利法前金匱茵陳蒿湯主茵

陳以茵陳治熱結黃疸兼利小便茲變其法以滑石治熱結黃疸利小便兼利蓄血

去大黃用礬石開痰泄濕不走大腸而走小腸妙大麥粥汁甘緩便利如血已汗出

而元氣亦不傷。

五苓散 主黃疸利小便。

猪苓

茯苓

澤瀉

白朮

桂心 各三枚

右五味搗篩為散。渴時水服方寸匕。極飲水。即利小便。及汗出愈。此方與第九卷方相

重以分兩不同。故再出之。

黃疸經病入腑。溼熱在裏。小便不利。礬石滑石散能利蓄血。不能利蓄水。五苓散猪苓茯苓澤瀉導瀉。飲白朮燥土溼。桂心化水氣不走。大腸而走膀胱。妙極飲水和濟。即利小便。及汗出而津液亦不傷。

己上黃疸利法。

虛熱在裏

方 治黃疸。

取生小麥苗搗絞取汁。飲六七合。晝夜三四飲。三四日便愈。無小麥。橫麥大麥皮厚亦得用之。

黃疸經病入腑。有甘辛以化津。即有甘寒以和液。生小麥苗。止消渴。除煩熱。養心氣。交為心氣。別疎養心氣。利小腸。絞汁晝夜多飲。食療之法。不治疸而疸亦除。

飲寒在裏

小半夏湯 黃疸小便不異欲自利腹滿而喘者不可除熱言不可用大黃熱除必噦者此湯主之。

半夏

生薑各半斤

右二味以水七升煮取一升五合分再服有人常積氣結言小便閉結而死其心上暖以此湯少許汁入口遂活。

黃疸經病入腑必小便不利腹急滿邪在陽明宜除熱若小便自利腹滿喘邪在少陽宜和飲

傷寒例陽明病不能食攻其熱必噦今誤除熱非和少陽無以救陽明故取小柴胡之半半夏以消飲寒生薑以定喘滿救逆之法不治疸而疸亦除。

寸口脈浮而緩浮則為風緩則為痺痺非中風四肢苦煩脾色必黃痰熱以行跗陽脈緊而數數則為熱熱則消穀緊則為寒食則滿也尺脈浮為傷腎跌陽脈緊為傷脾風寒相搏食穀即眩穀氣不消容熱不殺穀胃中苦濁靈樞陰陽清濁篇受穀者濁濁氣下流小便不通陰被其寒謂寒水言太陽之寒水不化則被于內熱流膀胱身故盡黃名曰穀疸。

穀疸

勞熱在裏

丸方 治勞疸穀疸

苦參 三兩 龍膽 一兩

右二味末之牛膽和為丸先食以麥粥飲服如梧子五丸日三不知稍加之

刑繁方加梔子仁三枚以猪膽和丸

穀氣入胃胃氣冲和則運化精微靈樞營衛生會篇中焦受氣必糟粕蒸津液化其精微內輸五臟胃氣苦濁

則蒸化濕熱下滯膀胱腎為內臟化精既少不足以運膀胱之寒水而濕熱遂停黃

即外發外雖由風寒相薄內實原積熱成勞穀之精氣不消無以輸化胃濁欲求泄

濁非清熱不可此方苦參味苦清濕熱而平胃氣膽草和牛膽極苦瀉肝火而澄膽

汁况有麥粥以為之輸運膽汁充胃液化而穀疸以除

幹南按疸屬胃熱當無疑義然千金治諸黃濕熱多用大黃或佐苦參以清胃

治穀疸濕熱乃用龍膽牛膽佐苦參以瀉肝何也考西醫學說膽為肝液之囊

貯汁以待用乃下部迴血入肝所化主榨食物之精液凡食小腸飽滿腸頭上

逼膽囊使其汁流入小腸之內以消化食物而利傳渣滓即經所謂泌清別濁

者是也若無膽汁或膽氣不足則穀食消化無力精粗不分溲便即為之變故

膽汁泄上溢則口苦病名膽疸素問痿論肝氣熱則膽泄口苦下溢則便溺

黃外越則身面皆黃即黃疸可知胃與膽功用相因穀氣與膽汁相需為用此中

西匯通之旨也

夫酒疸其脈浮者先吐之沈弦者先下之夫人病酒疸者或無熱靖言了了腹滿欲吐嘔者宜吐之方前苦參散七味者是方見上黃酒疸必小便不利其候當心中熱足下熱素問厥論陽脈起於足五脂之表陰脈者集於足下而聚於足心故陽氣盛則足下熱是其症也夫酒疸下之則傷久久為黑疸目青面黑心中如啖蒜齏狀大便正黑皮膚爪之不仁其脈浮弱雖黑微黃故知之

酒疸

心熱痰結方二首

枳實大黃梔子豉湯 治傷寒飲酒食少飲多痰結發黃酒疸心中懊懣而不

甚熱或乾嘔

枳實五枚

大黃三兩

梔子七枚

豆豉半升

右四味㕮咀以水六升煮取二升分三服心中熱疼懊懣皆主之

穀疸若濁在胃酒疸苦熱在心食少飲多痰結發黃至心中懊懣乾嘔非吐下不解枳實大黃梔子豉湯梔子豆豉除煩熱大黃枳實開痰結使膈上吐膈下下而痰結發黃心中懊懣或乾嘔亦除即傷寒勞復有宿食枳實梔子豉湯加味之變法

膽熱痰結

牛膽丸 治酒疸身黃翹塵出。

牛膽一枚

芫花一升

菟花半升

瓜蒂三兩

大黃八兩

右五味。四味以清酒一斗。漬一宿。煮減半。去滓。納牛膽。微火煎。令可丸。如大豆。服一丸。日移六七尺。不知復服一丸。至八九。膈上吐。膈下下。或不吐而自愈。酒疸苦熱在心。而滲熱在膽。靈樞論。勇篇。酒者。熱穀之液也。其氣慄悍。入於胃中。則胃脹。氣上逆。滿於胸中。肝浮膽橫。以_經上膽之熱滿。而汁溢於外。以漸滲於經絡。則身目皆黃。牛膽丸。首用牛膽。清膽熱。輕用瓜蒂。涌濕邪。重用芫花菟花。合大黃。利痰結。酒漬以酒。導酒使膈上吐。膈下下。而酒疸身黃翹塵出亦除。即前穀疸苦參龍膽湯加味之變法。

已上酒疸吐下法。

胃熱痰結 方二首

茵陳湯 治內實熱盛發黃。黃如金色。脈浮大滑實緊數者。夫發黃多是酒

客勞熱。食少。胃中熱。或溫毒內熱者。故黃如金色。

茵陳

黃蘗 各兩半

大黃

白朮 各三兩

黃苓

枯樓根

甘草

茯苓

前胡

枳實各一兩

梔子二十枚

右十一味。以水九升。煮取三升。分三服。得快下。消息三四日。更治之。

酒疸。滲熱在膽。積熱仍在胃。內實熱盛。發黃如金色。脈浮大滑實。繫數。病因勞熱。食

少。或溫毒內熱。不得下。前治黃疸。內實於結。小便利。茵陳蒿湯。曾用茵陳合大

黃梔子。攻實熱。兼利小便。茲用其法。加黃芩黃蘗。清勞熱。前胡樓根枳實。開痰結。白

朮茯苓甘草。扶胃弱。原方先煮茵陳。則黃從小便出。以利為下。此合煮茵陳。得快下。

為茵陳蒿湯加味之變法。

茵陳丸

治氣淋。臃脹。臃音閏。廣韻。腹前曰臃。通雅。臃脹。腹膨脹也。

腹大。身體面目悉黃。及酒疸。短

氣不得息。

茵陳

梔子

天門冬各四兩

大黃

桂心各三兩

通草

石膏各二兩

半夏半升

右八味。蒸大黃梔子。天門冬。半夏。暴令乾。合搗篩。蜜丸。服如大豆。三九日。三

忌生魚。以豆羹服。不得用酒。一方去石膏。納滑石二兩。不知加至十丸。

酒疸。熱在心膽。宜吐。在腸胃。宜下。在膀胱。宜利。亦宜下。氣淋。臃脹。腹大。小便利。必身面

目悉黃。短氣不得息。茵陳丸。仍用茵陳。合大黃梔子。攻實熱。重用半夏。開痰結。桂心

通草。利膀胱。石膏。天冬。滋氣液。前茵陳。高湯。先煮。茵陳。則黃。從小便出。以利為下。此合搗茵陳。蜜丸。豆羹服。得緩下。為大茵陳湯減味之變法。

已上酒疸利下法。

心痞痰結

茯苓丸 治心下縱橫堅而小便赤。是酒疸者。

茯苓

茵陳

乾薑各一兩

白朮熬

枳實各三枚

半夏

杏仁各十枚

甘遂六銖

蜀椒

當歸各十銖

右十味為末。蜜和丸。如梧子大。空腹服三丸。日三。稍稍加。以小便利為度。千金

翼。加黃連一兩。大黃十八銖。名茵陳丸。治黑疸。身體闇黑。小便澀。

酒疸。熱在膀胱。宜利。痞在心胸。亦宜利。心下縱橫堅。小便赤。非不曾無氣淋。臏脹腹

大之候。病情不在下而在上。無用大黃之必要。茯苓丸去大黃。仍用茵陳。合茯苓甘

遂。利水濕。半夏杏仁枳實。開痰結。變用蜀椒乾薑。消痞堅。當歸白朮。補脾土。上病下

取。小便利為度。亦茵陳丸易味之變法。

心脹痰結

半夏湯

治酒癖。陰胸。心脹滿。骨肉沈重。逆害飲食。乃至小便赤黃。此根本虛

勞風冷。飲食衝心。由脾胃內痰所致。

半夏一升 生薑 黃芩 茵陳

當歸兩各一 前胡 枳實 甘草

大戟兩各二 茯苓 白朮兩各三

右十一味。以水一斗。煮取三升。分三服。

酒疸。痞堅在胸。宜利。脹滿在胸。亦宜利。酒癖。陰胸。心脹滿。至骨肉沈重。逆害飲食。小

便赤黃。非不利。飲食衝心。病情亦不在下。而在上。况根本虛勞風冷。更無用大黃之必

要。半夏湯重用半夏。佐茯苓。大戟。黃芩。本經逐水。利水濕。輕用前胡。杏仁。枳實。開痰結。乾

薑散飲。澀當歸。白朮。補脾勞。上病下取。小便利為度。亦茯苓丸易味之變法。

已上酒疸利法。

肉疸附

凝水石散 治肉疸。飲少。小便多。如白泔色。此病得之從酒。

凝水石 白石脂 枯樓根 桂心各三銖

菟絲子 知母各十銖

右六味。治下節。麥粥飲服五分匕。日三服。五日知。十日瘥。

肉疸。別乎酒疸。而實不離酒疸。酒疸小便黃赤。肉疸小便泔白且多。以其平日精虛

濕熱蒸變肌肉浮腫發黃故名凝水石散凝水石十金翼枯樓根別錄除腸胃中知

母本經治熱中邪氣清濕熱菟絲益精氣桂心石脂煖水臟麥粥厚腸胃而飲少小

便多如白泔色亦除

幹南按肉疸別本作內疸或以飲酒使內為解據宋本作肉疸千金翼秦王九

疸散亦有膏疸髓疸肉疸諸證當從宋本為是若以為飲酒使肉則與女勞疸

相混矣

又按近醫有甜尿證由脾腎兼虛肉味過厚所致本方飲少濕停於內小便多熱逼於外

如白泔色白泔即米汁味不鹹而甘淡得之從酒夫嗜酒必飲肉濕鬱熱蒸內傷脾土脾氣

不運下注膀胱膀胱屬腎腎氣內虛巨陽不能引精歸肺語本內經以故飲少溺多

土敗色變味亦變但色不必白身不必黃為異故不曰肉疸而直名為甜尿病

由脾腎兩虛肉味過厚證雖不同而用之往往有效此又可變通而善悟者也

黃家至日晡所發熱而反惡寒此為女勞得之當膀胱急小腹滿體盡黃額上黑足

下熱因作黑疸其臏腹脹而滿如欲作水狀大便必黑時溇泄此女勞疸非水也腹

滿者難治

女勞疸

勞熱瘵結

消石礬石散 治女勞瘵

消石

礬石各半

右二味治下節。大麥粥汁服方寸匕。日三。重衣覆取汗。病隨大小便出。小便正黃大便正黑。

女勞瘵。病因大勞大熱。交接入水傷腎。不發熱反惡寒。不應寒而反。膀胱急。小腹滿。體盡黃。額上黑。足下熱。甚則臏腹脹滿。傷腎及脾。如作水狀。但以大便黑。時溇泄。決其非水。蓋膀胱為腎之府。腎傷則巨陽不能引精歸肺。瘵熱入裏。故膀胱急。小腹滿。消石礬石散。即前黃疸濕熱在裏。礬石滑石湯。滑石易消石。消勞瘵。仍用礬石。開痰結。大麥粥汁甘。緩覆衣取汗。病隨大小便出。而元氣亦不傷。

滑石石膏散 黃疸之為病。日晡所發熱惡寒。小腹急。身體黃。額黑。大便溇黑。足下熱。此為女勞。腹滿者難治。

滑石

石膏等分

右二味治下節。大麥粥汁服方寸匕。日三。小便極利。則瘵。

女勞瘵。證如前。小便必不利。滑石石膏散。即前黃疸濕熱在裏。礬石滑石湯。仍用滑石。利小便。逐凝血。通血瘵。礬石易石膏。清勞熱。大麥粥汁甘。緩不必取汗。病隨小便出。而元

氣亦不傷。

已上女勞疸利下法。

黑疸附

方 黃疸變成黑疸醫所不能治者。

土瓜根搗汁一小升頓服日一服平朝服至食時病從小便出先須量病人氣力不得多服力衰則起不得。

黑疸周於身不惟額上由酒疸誤下傷營女勞疸過極傷腎而變瘀熱入深多死要無不膀胱急結腹滿小便難者土瓜根本經王治消渴內瘰瘵血寒熱性寒滑通利量人與服勿多平旦至食時病從小便出亦奇藥也。

此方黑疸利法。

幹南按素問厥論數醉若飽以入房氣聚於脾中不得散酒氣與穀氣相薄熱盛於中故熱徧於身內熱而溺赤夫酒氣盛而慄悍腎氣內衰陽氣獨勝故手足為之熱此合酒穀女勞而成病身熱溺赤尚未成疸千金未有成方然治法亦不外此可神明而善用也。

針灸黃疸法

正面圖

寅門 俠人中

上斷裏 俠承漿

上脛 巨闕

舌下 上管

脣裏 陰縫

顛額

寅門穴。從鼻頭直入髮際。度取通繩。分為三。斷繩。取一分入髮際。當繩頭針是穴。治馬黃、黃疸等病。

上斷裏穴。正當人中及脣針三銜。治馬黃、黃疸等病。

上脛穴。入口裏邊。在上縫赤白脈。是針二銜。治馬黃、黃疸。四時等病。

舌下穴。俠舌兩邊針。治黃疸等病。

脣裏穴。正當承漿裏邊。逼齒斷。針三銜。治馬黃、黃疸、寒暑、溫疫等病。

顛額穴。在眉眼尾中間。上下有來去絡脈。是針灸之。治四時寒熱所苦、疸氣、溫病等。

俠人中穴。火針。治馬黃、黃疸、疫、通身并黃。語音不轉者。

俠承漿穴。去承漿兩邊各一寸。治馬黃、急疫等病。

巨闕穴。在心下一寸。灸七壯。治馬黃、黃疸等病。

上管穴。在心下二寸。灸七壯。治馬黃、黃疸等病。

男陰縫穴。拔陰反向上灸。治馬黃、黃疸等病。若女人玉門頭是穴。男女斜灸無在。

覆面圖第二

風府 肝輸

熱府 脾輸

肺輸 腎輸

心輸 腳後跟

風府穴。在項後入髮際一寸。去上骨一寸針之。治頭中百病。馬黃、黃疸等病。

熱府穴。在第一節下。兩傍相去各一寸五分。針灸無在。治馬黃、黃疸等病。

肺輸穴。從大椎數第三椎。兩傍相去各一寸五分。灸。主黃疸。通治百毒病。

心輸穴。從肺輸數第二椎。兩傍相去各一寸五分。

肝輸穴。從心輸數第四椎。兩傍相去各一寸五分。

脾輸穴。從肝輸數第二椎。兩傍相去各一寸五分。

腎輸穴。從脾輸數第三椎。兩傍相去各一寸五分。

脚後跟穴。在白肉後際。針灸隨便。治馬黃黃疸寒暑諸毒等病。

側面圖第三 耳中 頰裏 手太陽 脾石子頭 錢孔 太衝

耳中穴。在耳門孔上橫樑是。針灸之。治馬黃黃疸寒暑疫毒等病。

頰裏穴。從口吻邊入。往對頰裏去口一寸針。主治馬黃黃疸寒暑溫疫等病。頰兩邊

同法。

手太陽穴。手小指端。灸。隨年壯。治黃疸。

脾石子頭穴。還取病人手。自捉臂。從腕中太澤 澤當 作淵 文向上一夫。接白肉際。灸七壯。

治馬黃黃疸等病。

錢孔穴。度乳至臍中。屈肋頭骨是。灸百壯。治黃疸。

太衝穴。針灸隨便。治馬黃黃疸溫疫等病。

溫瘧第六

論一首 方三十四首
灸刺法十九首

論曰。夫瘧者皆生于風。夏傷于暑。秋為瘧瘧也。瘧同。疾。二日發。名瘧瘧。

問曰。瘧先寒而後熱者何也。對曰。夫寒者陰氣也。風者陽氣也。先傷於寒。而後傷於

風。故先寒而後熱也。病以時作。名曰寒瘧。問曰。先熱而後寒者何也。對曰。先傷於風。

而後傷於寒。故先熱而後寒也。亦以時作。名曰溫瘧。其但熱而不寒者。陰氣先絕。陽

氣獨發。則少氣煩冤。手足熱而欲嘔。名曰瘧瘧。

問曰。夫病溫瘧。與寒瘧。而皆安舍。舍于何臟。對曰。溫瘧者得之冬。中于風寒。氣藏于

骨髓之中。至春則陽氣大發。邪氣不能自出。因遇大暑。腦髓鑠。肌肉消。腠理發。泄因

有所用力。邪氣與汗皆出。此病先藏于腎。其氣先從內出之於外也。如是則陰虛而

陽盛。盛則病矣。衰則氣復反入。入則陽虛。虛則寒矣。故先熱而後寒。名曰溫瘧。

問曰。瘧瘧何如。對曰。瘧瘧者。肺素有熱。氣盛于身。厥逆上衝。中氣實而不外泄。因有所

用力。腠理開。風寒舍于皮膚之內。分肉之間。發則陽氣盛。陽氣盛而不衰。則病矣。其氣

不及於陰。故但熱而不寒。氣內藏於心。而外舍於分肉之間。令消鑠脫肉。故命曰瘧瘧。

幹南按。溫瘧得之冬。寒病邪先藏之腎。故先寒後熱。瘧瘧得之肺。熱病氣內藏

於心。故但熱不寒。剖別最為精細。

夫瘧之且發也。陰陽之且移也。必從四末始也。陽已傷。陰從之。故氣未并。先其時一

食頃用細左索緊束其手足十指令邪氣不得入陰氣不得出過時乃解此即內經之法

夫瘧脈自弦也弦數者多熱弦遲者多寒弦小緊者可下之弦遲者可溫之若脈緊

數者可發汗鍼灸之脈浮大者吐之瘧脈弦數者風發也以飲食消息止之

瘧歲歲發至三歲或連月發不解者以脅下有痞也治之不得攻其痞但得虛其津

液先其時發其汗服湯已先小寒者引衣自覆汗出小便利本仲景傷寒陽明病上

焦得通津液得下胃氣因和即愈瘧者病人形瘦皮上必粟起也

牡瘧表實

牡蠣湯 牡瘧者多寒主之

牡蠣

麻黃各四兩

蜀漆三兩無以反山代之 甘草二兩

右四味先洗蜀漆三過去腥以水八升煮蜀漆麻黃得六升去沫乃納

餘藥煮取二升飲一升即吐出勿復飲之

牡瘧表實無熱深厥深陽盛陰格非溫瘧陽盛陰衰者比牡蠣湯麻黃祛表寒牡蠣

退邪熱蜀漆逐瘧疾甘草調胃氣說蜀漆得甘草則吐一吐而陽氣得通陰氣自散而牡瘧

多寒以除

牡瘧表虛

蜀漆散 多寒者牡瘧也主之

蜀漆

雲母

龍骨

右三味等分。治下節先未發一炊頃。以酢漿服半錢。臨發服一錢。溫瘧者加蜀漆半分。雲母

取火燒之。三日三夜。要略不用雲母用雲寶。

壯瘧表虛。有熱深厥深。陽盛陰格。非溫瘧。陽盛陽衰者比。蜀漆散麻黃易雲母。徐洄

母色白屬肺。本經。王中風寒熱。如安肺氣。壯蠲易龍骨。欽心。陽。汗為。在車船上。肺氣震蕩。此能鎮之。而陽氣得通。陰氣

酢漿。滋胃液。一吐。或吐或不吐。況有酢漿之甘酸制之。即吐亦微。而陽氣得通。陰氣

自散。而壯瘧多寒亦除。若溫瘧多熱。小變其法。畧加蜀漆。以竭餘邪。一方兩用亦妙。

此方壯瘧吐法。

幹南按。壯瘧之名。見於金匱。千金因之。王肯堂。徐洄溪均謂。壯當作牝。皆泥壯

本屬陽。多寒屬陰。于牝為切。不知熱深厥深。陽為陰伏。內真熱。而外假寒。與溫

瘧之真熱無寒。同為陽氣之發越。非龍牡不能收納。陽氣使之內潛。非蜀漆不

能導引。陽氣使之外越。前方用甘草。後方用酢漿。法皆助吐。促引。蜀漆之上。行

以牡為牝。似非善悟。仲景微旨。

溫瘧表虛

白虎加桂枝湯。有瘧瘧者。陰氣孤絕。陽氣獨發。而脈微。其候必少氣煩滿。手

足熱欲嘔。但熱而不寒。邪氣內藏於心。外舍於分肉之間。令人消鑠肌肉也。
有溫瘧者。其脈平。言如無寒時。病六七日。但見熱也。
前論以先熱後寒為溫瘧。此又以但熱無寒為溫瘧。不必泥其候。骨節疼煩。時嘔。朝發暮解。暮發朝解。名溫瘧。此湯主之。

石膏一斤

知母六兩

甘草二兩

粳米六合

右四味。以水一斗二升。煮米爛。去滓。加桂枝三兩。煎取三升。分三服。覆令汗。先寒發熱。汗出者愈。

溫瘧。表虛。汗熱入陽明之經。白虎加桂枝湯。重用石膏。知母。清胃熱。輕用桂枝。解肌表。覆令汗。營衛和。津液布。澀然汗出而解矣。

溫瘧表實

麻黃湯

治瘧須發汗者。

麻黃

桔樓根

大黃各四兩

甘草一兩

右四味。以水七升。煮取二升半。分三服。未發前。食頃一服。臨發一服。服後皆厚覆取汗。

溫瘧表實。無熱入陽明之腑。麻黃湯前方。桂枝易麻黃。發肌表。石膏知母。易樓根。生津液。大黃合甘草。調胃氣。由裏達表。大黃沈降之力。轉隨麻黃輕揚之性。以上行厚覆取汗。營衛通。津液布。亦澀然汗出而解矣。

二方温瘧汗法。

温瘧表鬱

小柴胡去半夏加枯樓根湯 瘧而發渴者。

柴胡 八兩

黃芩

人參

甘草

生薑 各三兩

大棗 十二枚

枯樓根 四兩

右七味咬咀。以水一斗二升。煮取六升。去滓。更煎取三升。温服一升。日三。

温瘧。表鬱。熱入少陽之經。熱而發渴。小柴胡去半夏加枯樓根湯。以小柴胡方後渴者。去半夏加枯樓根。例。生胃津。前傷寒。瘧後。頭痛壯熱。煩悶而渴。亦用之。易名黃龍湯。以盡神明變化之妙。其效可觀矣。

此方温瘧和法

二日温瘧表實

恆山丸 治瘧瘧。說不可具。

恆山

知母

甘草

大黃 各十銖

麻黃 一兩

右五味為末。蜜和丸。未食服五丸。如梧子。日二。不知漸增。以瘧為度。肘後無大黃。

温瘧。二日發。各瘧。表實。無熱入陽明之腑。變上法。恆山丸。即前麻黃湯。仍用麻黃。發

肌表去石膏樓根用知母清陰火。大黃合甘草調胃氣加恆山驅瘧痰。易湯為丸蜜和甘緩。雖吐不吐由裏達表。大黃沉降之力轉隨麻黃輕揚之性以上行。方下雖不言汗然同用麻黃必當厚覆取汗營衛通津液布亦澌然汗出而解矣。

此方二日溫瘧汗法。

間日溫瘧內燥

方 治瘧或間日發者或夜發者。

恆山

竹葉各二兩

秫米一百粒

石膏八兩

右四味咬咀以水八升。銅器中清藥露置星月下高淨處橫刀其上。明日取

藥於病人房門以銅器

始終用銅鑊器。金生水之義。

緩火煎取三升分三服。清旦一服未

發前一食頃一服。臨欲發一服。三服訖靜室中臥。莫共人語。當一日勿洗手

面及漱口。勿進食。取過時不發。乃澡洗進食。并用藥汁塗五心胸前頭面。藥

滓置頭邊。曾用神驗。

救急方。用烏梅二十七枚。

溫瘧。間日發。或夜發。內燥。熱入陽明之經。變上法。去麻黃知母。易竹葉涼心經。石膏

清肺燥。去大黃甘草。易秫米。滋胃氣。仍用恆山。驅瘧痰。妙露置高寒。更取金水之精。

以勝熱邪之氣。內服外塗。法無不備。方下雖不言吐。然中有恆山。或吐或不吐。而瘧

要無不解矣。

此方間日溫瘧吐法。

幹南按。後人治寒瘧。有薑露飲。以生薑煎湯。露置一宿。明早飲服。為以陰引陽之法。此治溫瘧。以竹葉石膏清湯。露置一宿。明早煎服。為以陰勝陽之法。而妙製巧思。種種周備。尤益人神智不少。

間日溫瘧裏濕方二首

又方

先作羊肉臠。臠。羹也。麪餅飽食之。并進少酒。隨其所能。令欣欣有酒氣。入密室。

裏。燃炭火。厚覆。取大汗。即瘥。

又方

燒黑牛尾頭毛作灰。酒服方寸匕。日三。

溫瘧。間日發。或夜發。裏濕。熱在太陰之經。變上法。羊肉臠。補脾土。麪餅。調胃氣。飽食飲酒。燃炭取火。厚覆。大汗。而瘧自解。又方。則取黑牛尾頭毛。屬坤土。至陰之盡者。燒灰酒服。以取微汗。而瘧亦無不解矣。蓋諸毛皆收濕。牛尾頭毛尤得力。

二方間日溫瘧汗法。

經年瘧內熱方二首

方 主瘧經數年不瘥者。

恆山三兩為末。以雞子白和。并手丸如梧子大。置銅器中。于湯中煮。令熟。殺腥氣。則止。以竹葉飲服二十九。欲吐。但吐。至發。令得三服。時早可斷食。時晚不可斷食。可作葉汁煮糜。少食之。

溫瘧。經年不瘥。內熱。熱入少陰之經。即前溫瘧內燥。竹葉石膏。林米恆山法。去石膏。用竹葉涼心。經去林米煮稀糜。滋胃氣。仍用恆山驅瘧。易瀉為丸。雞子白亦利清心之用。雖置銅器。不露高寒。欲吐。取吐。而瘧亦無不解矣。

此方經年瘧吐法。

梔子湯 主瘧經年不瘥者。兩劑瘥。一月以來一劑瘥。

梔子枚十四

恆山三兩

車前葉二七枚

灸乾

林米粒十四

右四味。哎咀。以水九升。煮取三升。分三服。未發一服。發時一服。發後一服。以吐利四五行為瘥。不止。冷飯止之。

溫瘧。經年不瘥。內熱。熱入少陰之經。少梔子湯。即前溫瘧內燥。竹葉石膏。林米恆山法。去竹葉。易車前葉。利小腸。去石膏。易梔子。清心熱。仍用林米。滋胃氣。恆山驅瘧。或吐。或利。而瘧更無不解矣。

此方經年瘧吐利法。

經年瘧內冷

方 治老瘧久不斷者。

恆山 三兩

鼈甲

升麻

附子

烏賊骨 各一兩

右五味㕮咀。絹袋盛。以酒二升半漬之。小令近火轉之一宿成。一服一合。比發可數服。或吐下。

方 治瘧。

鼈甲 方寸

烏賊骨 二方寸

附子

甘草 各一兩

恆山 二兩

右五味㕮咀。以酒二升半漬之。露一宿。明日塗五心手足。過發時瘧斷。若不斷。可飲一合許瘧。

老瘧久不斷。內冷邪入厥陰之經。升麻鼈甲。解陽毒。附子破陰邪。烏賊骨通血脈。深入厥陰。除寒熱瘧疾。酒清溫行。或吐下。而瘧亦無不解矣。次方。去升麻。易甘草。酒漬露宿。塗五心手足。瘧不斷。再飲服。法尤周備。

此方經年瘧吐下法。

通治方 方九首

方 治瘧無問新久者。

小便半升 蜜二七

右二味煮三沸頓服每發日平旦時服勿食重者漸退不過三服瘥。

又方

鼠尾草 車前子各一

右二味咬咀以水五升煮取二升未發前服盡鼠尾草治疝逐濕

又方

馬鞭草汁五合酒三合分三服馬鞭草入肝散血

又方

服翹搖汁。

又方

擣葭蓉根燒為灰和水服一合量人大小強弱用之。葭蓉即天仙子治邪瘧殺蟲

又方

瓜蒂二七枚擣水漬一宿服之。

又方

水服桃花末方寸匕。

又方

常以七月上寅日採麻花酒服末方寸匕麻花治諸風惡血

又方

故鞋底去兩頭燒作灰并華水服之

瘡瘻內癖

鯪鯉湯 治乍寒乍熱乍有乍無山瘡瘻

鯪鯉甲十四枚

鼈甲

烏賊骨各一兩 恆山三兩

附子一枚

右五味咬咀以酒三升漬一夕發前稍稍啜之勿絕吐也兼以塗身斷食過時乃食飲之

瘡瘻巢源溪源嶺障濕毒氣其病重於傷暑之瘡內癖乍寒乍熱乍有乍無邪入厥陰之經鯪鯉湯鯪鯉

烏賊骨入通經脈鼈甲入搜肝邪附子直攻堅癖酒漬升發陽氣雖吐勿絕兼以塗身與前溫瘻內燥方下同法經年瘻內冷方藥同意皆千金之秘

此方瘡瘻吐法

瘡瘻內飲

大五補湯 治時行後變成瘡瘧。

桂心三十枚

遠志

桔梗

芎藭各二兩

茯苓

乾地黄

芍藥

人參

白朮

當歸

黃耆

甘草各三兩

竹葉五兩

大棗二十枚

生枸杞根

生薑各一斤

半夏

麥門冬各一斤

右十八味。以水三斗。煮竹葉枸杞取二斗。次納諸藥。煎取六升。分六服。

一日一夜令盡。

瘡瘧。時行後變病。內飲邪入。三陰心肝脾之經。變上法。大五補湯。桂心芍藥甘草生

薑大棗和營衛。竹葉桔梗半夏茯苓。泄濁飲。芎藭當歸通肝血。遠志安心神。地黄枸

杞麥冬滋腎水。黃耆人參白朮益脾陽。妙先煮竹葉枸杞。先清後補。入陰出陽。曾無

誤。補助邪之患。而時行後變成瘡瘧亦除。

此方瘡瘧補法。

勞瘧內燥

蜀漆丸 治勞瘧。并治積勞寒熱發有時。似瘧者。

蜀漆

麥門冬

知母

白薇

地骨皮

升麻各三銖

甘草

鼈甲

烏梅肉

姜蕤各一兩

恆山半兩

石膏二兩

豉一合

右十三味為末。蜜和丸。如梧子大。飲服十丸。日再服之。稍稍加至三十九。

此神驗。無不瘥也。加光明砂一兩。

勞瘧

巢源勞瘧候。凡瘧積久不瘥。則表裏俱虛。客邪未散。真氣不復。故疾雖暫間。小勞便發。

內燥。并積勞寒熱似瘧。邪入厥陰

之經。蜀漆丸。升麻。白薇。豆豉。

別錄。豆豉治傷寒寒熱瘴氣。

散寒熱。石膏。知母。甘草。麥冬。姜蕤。地骨

皮。清火燥。烏梅。鼈甲。搜肝。邪。蜀漆。恆山。驅瘧。痰。方後加光明砂。補真氣。蜜丸。甘緩。或

吐或不吐。而勞瘧。并積勞寒熱似瘧亦除。

勞瘧內瘕

烏梅丸

治寒熱勞瘧。久不瘥。形體羸瘦。痰結胸堂。食飲減少。或因行遠。久經

勞役。患之積年不瘥。服之神效。

烏梅肉

豆豉各一

升麻

地骨皮

柴胡

鼈甲

恆山

前胡各一

肉苁蓉

玄參

百合

蜀漆

桂心

人參

知母各半

桃仁一十枚

右十六味為末。蜜丸。空心煎細茶下。三十九日。二服。老少孩童。量力通用。無所忌。

勞瘧。內瘵。寒熱久不瘥。形體羸瘦。痰結胸堂。食飲減少。邪入厥陰之經。如上法加味。烏梅丸。升麻。柴胡。前胡。桂心。豆豉。散寒。熱。知母。百合。地骨皮。玄參。清燥火。烏梅。鱉甲。搜肝。邪。蜀漆。恆山。驅瘧。痰。加桃仁。攻勞。瘵。茯苓。補腎。精。人參。益胃。氣。蜜丸。甘。緩。或吐或不吐。而勞瘵。寒熱久不瘥。形體羸瘦。痰結胸堂。食飲減少。亦除。

二方勞瘵吐法。

幹南按。勞瘵治法。兩方皆用恆山蜀漆。而方後并不言吐。大約勞瘵久深。有烏梅鱉甲。直入肝臟。且蜜丸甘。緩。停留胃腑。或吐或不吐。自在意中。即吐亦必微耳。

勞瘵內痺

方 治勞瘵。積時不斷。衆治無效。

生長大牛膝一握。切以水六升。煮取二升。分再服。第一服。取未發前食頃。第二服。取臨發時。

勞瘵內痺。積時不斷。衆治無效。不可無截法。生長大牛膝一味。逐血氣。走經絡。直入

膀胱導積熱邪氣轉出太陽之表通法即截法未發臨發一再服功專力厚用奏殊功。

此方勞瘧截法。

肝瘧內熱

烏梅丸 治肝熱為瘧令人顏色蒼蒼氣息喘悶戰掉狀如死者或久熱勞微動如瘧積年不瘥。

烏梅肉

蜀漆

鼈甲

姜蕤

知母

若參各一兩

恆山半兩

石膏二兩

甘草

細辛各十銖

香豉一合

右十一味末之蜜丸如梧子酒服十九日再飲服亦得。

肝瘧內熱顏色蒼蒼氣息喘悶戰掉如死內風厥逆或久熱勞如瘧邪入厥陰之臟如上

法減味烏梅丸專用豆豉別錄治傷寒寒熱瘧氣散寒熱石膏知母甘草姜蕤合苦參清勞熱

烏梅鼈甲搜肝邪恆山蜀漆驅瘧痰佐用細辛開喘悶蜜丸酒服和濟或吐或不吐

而肝瘧色蒼氣喘戰掉及久勞熱如瘧亦除。

心瘧內熱

方 治心熱為瘧不止。或止後不歇。乍來乍去。令人煩心。甚欲飲清水。反寒多。不甚熱者。

甘草 一兩

蜀漆 三兩

恆山 四兩

石膏 五兩

鼈甲 四兩

香豉 一升

梔子

烏梅 各三枚

淡竹葉 升 二

右九味。以水九升。煮取三升。分三服。

心瘧。內熱。乍來乍去。令人煩心。欲飲清水。反寒多。不甚熱。

熱盛於內。寒格於外。

如上法減味。竹

葉石膏。梔子。香豉。清心熱。烏梅。鼈甲。搜肝邪。恆山。蜀漆。驅痰瘧。或吐或不吐。而心瘧。乍來乍去。煩心。欲飲清水。反寒多。不甚熱。亦除。

脾瘧內熱

恆山丸

治脾熱為瘧。或渴或不渴。熱氣內傷不泄。令人病寒。腹中痛。腸中鳴。

汗出。

恆山 三兩

甘草 半兩

知母

鼈甲 各一兩

右四味末之。蜜丸。如梧子。未發前。酒服十九。臨發時。一服。正發時。一服。

脾瘧內熱。或渴不渴。熱氣內傷不泄。

土鬱不發。木氣不伸。

病寒。腹痛。腸鳴。汗出。邪入太陰之臟。

恆山丸。知母。甘草。泄脾熱。鼈甲。搜肝邪。恆山。驅瘧痰。蜜丸。酒服。和濟。或吐或不吐。而

脾瘧或渴不渴熱氣不泄腹痛腸鳴汗出亦除

腎瘧內熱

恆山湯 治腎熱發為瘧令人淒淒然腰脊痛宛轉大便難目眴眴然身掉不定手足寒

恆山 三兩

烏梅 三七枚

香豉 八合

竹葉 升切一

葱白 一握

右五味㕮咀以水九升煮取三升分三服至發令盡

腎瘧內熱腰脊痛宛轉大便難腎為二便之關目眴眴然身掉不定手足寒陽盛格陰邪入少陰

之臟恆山湯竹葉葱白合香豉通腎熱仲景少陰病白通湯用葱白成無己腎惡燥急食辛以潤之葱白辛溫以通陽氣也烏

梅搜肝邪恆山驅瘧痰或吐或不吐而腎瘧腰脊痛大便難目眴身掉手足寒亦除

肺瘧內熱

恆山湯 治肺熱痰聚胸中來去不定轉而為瘧其狀令人心寒寒甚則發熱

熱間則善驚如有所見者

恆山 三兩

秫米 二百二十粒

甘草 半兩

右三味㕮咀以水七升煮取三升分三服至發時令三服

肺瘧內熱痰聚胸中來去不定心寒發熱善驚如有所見邪入太陰之臟恆山湯秫

米別錄治寒熱利大腸時珍甘草清肺熱恆山驅瘧痰或吐或不吐而肺瘧痰聚胸中來去不定心寒發熱善驚如有所見亦除

五方肝心脾腎肺瘧吐法

胃瘧內積

藜蘆丸 五臟并有瘧候六腑則無獨胃腑有之胃腑瘧者令人旦病也善飢

而不能食食而支滿腹大此湯主之

藜蘆

皂莢

恆山

牛膝各一兩

巴豆二十枚

右五味先熬藜蘆皂莢色黃合搗為末蜜丸如小豆大旦服一九正發時一

丸一日勿飽食時後無恆山牛膝

胃瘧內積旦病善飢不能食食而支滿腹大邪入陽明之腑其人本有寒濕鬱熱蒸

將成蠱證藜蘆丸藜蘆皂莢涌痰濕牛膝逐血氣前治勞瘧內瘧截法巴豆破寒積仍用恆山

驅瘧痰蜜丸甘緩或吐或不吐而胃瘧旦病善飢不能食而支滿腹大亦除

此方胃瘧吐下法

瘧母內積

鼈甲煎丸 病瘥一日發當以十五日愈設不瘥當盡月解也不愈當云何師

曰此病結為癥瘕名曰瘥母急當治之

成死鼈十二斤治如食法要畧作鼈甲三兩 半夏 人參

大戟各八 瞿麥 阿膠 紫葳一作紫宛

牡丹皮 石韋 乾薑 大黃

厚朴 桂心 海藻要畧作赤消 亭蕪

羗娘各二 蜂窠 桃仁 芍藥

烏羽燒一作烏扇 黃芩各十 蠱蟲各三十銖要畧作鼠婦

柴胡半一兩

右二十四味末之取鍛竈下灰一斗清酒一斛五斗以酒清灰去灰取酒煮鼈盡爛泥泯如漆絞去滓下諸葯煎為丸如梧子大未食服七丸日三仲景方無大戟

海藻

瘥母內積病結癥瘕邪入少陽陽明之腑鼈甲煎丸用大柴胡湯加味柴胡半夏芍

藥生薑黃芩大黃瀉膽熱加桂心厚朴乾薑溫經冷葶蕪烏羽海藻大戟瞿麥石韋

泄痰濕丹皮紫葳桃仁通痰濁阿膠滋血液死鼈搜肝邪蠱蟲羗娘蜂窠破堅

積酒漬溫行而瘥母結為癥瘕亦愈

此方瘧母下法。

灸瘧法

凡灸瘧者。必先問其病之所先發者。先灸之。從頭項發者。於未發前。預灸大椎尖頭。漸灸過時止。從腰脊發者。灸腎輸百壯。從手臂發者。灸三間。

瘧灸上星及大椎至發時。令滿百壯。灸艾炷如黍米粒。俗人不解取穴。務大炷也。覺小異。即灸百會七壯。若後更發。又七壯。極難愈者。不過三灸。以足踏地。以線圍足一匝。中折。從大椎向百會灸線頭三七壯。炷如小豆。

又灸風池二穴三壯。

一切瘧。無問遠近。正仰臥。以線量兩乳間。中屈。從乳向下灸度頭。隨年壯。男左女右。瘡瘧。上星王之穴。在鼻中央直髮際一寸。陷容豆是也。灸七壯。先取諛諤。後取天牖。

風池

瘧日西而發者。臨泣王之穴。在目眥上。入髮際五分陷者。灸七壯。

瘧實則腰背痛。虛則歛衄。飛揚王之穴。在外踝上七寸。灸七壯。

瘧多汗。腰痛不能仰。目如脫。項如拔。崑崙王之穴。在足外踝後。跟骨上陷中。灸三壯。五臟一切諸瘧。灸尺澤七壯。穴在肘中約上。動脈是也。

針瘡法

諸瘡而脈不見者。刺十指間出血。血去必已。先視身之赤如小豆者。盡取之。

瘡刺足少陰血出愈。

肝瘡刺足厥陰見血。


心瘡刺手少陰。

脾瘡刺足太陰。

肺瘡刺手太陰陽明。

腎瘡刺足少陰太陽。

胃瘡刺足太陰陽明。橫脈出血。



診谿毒證第七

江東江南諸谿源間有蟲名短狐。谿毒亦名射工。其蟲無目而利耳能聽。在山源谿水中聞人聲便以口中毒射人。故謂射工也。其蟲小毒輕者及相逐者射著人影者皆不即作瘡。先病寒熱身不喜冷體強筋急頭痛目疼張口欠效呼吸悶亂朝旦少蘇醒。晡夕輒復寒熱或似傷寒發石散動亦如中尸便不能語病候如此自非其土地人不常數行山水中不知其證便謂是傷寒發石散動作治乖僻毒盛發瘡復疑是瘰癧乃至吐下去血復恐疑蠱毒是以致禍耳。今說其狀類以明其證與傷寒別也。方在第二十五卷中。

二十五卷備急蛇毒第
二今改編二十七卷

備急千金要方卷第九

備急千金要方卷第十 肝臟

後學三水黃恩榮幹南編述

三男 中醫藥學專門畢業 悌君校對
學生 廣州中醫藥學院專門畢業 陳景山 覆校

肝臟脈論第一

肝虛實第二 肝膽俱虛實附

肝勞第三

筋極第四 筋虛實附

堅癥積聚第五

肝臟脈論第一

論五臟

論曰夫人稟天地而生故內有五臟六腑精氣骨髓筋脈外有四肢九竅皮毛爪齒咽喉唇舌肛門胞囊以此總而成軀故將息得理則百脈安和役用非宜即為五勞七傷六極之患有方可救雖病無他無法可憑奄然永往所以此之中秩卷卷 卷與拳通 備述五臟六腑等血脈根源循環流注與九竅應會處所 數語提要乃十二經全論精神結聚處解此乃能讀 千金十二經脈論及明千金十二經方意 並論五臟六腑等輕重大小長短闊狹受盛多少仍列對治方 法丸散酒煎湯膏摩熨及灸鍼孔穴並窮於此矣其能留心於醫術者可考而行之

其冷熱虛實風氣準藥性而用之則內外百疴無所逃矣凡五臟在天為五星在地為五嶽約時為五行在人為五臟五臟者精神魂魄意也論陰陽察虛實知病源用補瀉應稟三百六十五節終會通十二經焉。

論肝臟

論曰肝主魂為郎官隨神往來謂之魂魂者肝之藏也目者肝之官肝氣通於目目和則能辨五色矣左目甲右目乙循環紫宮榮華於爪外主筋內主血肝重四斤四兩左三葉右四葉凡七葉有六童子三五女守之神名藍藍主藏魂號為魂藏隨節應會故云肝藏血血舍魂在氣為語在液為淚肝氣虛則恐實則怒靈樞本神篇肝氣虛則恐肝氣虛則夢見園花生草得其時夢伏樹下不敢起肝氣盛則夢怒厥氣即寒客於肝則夢山林樹木

凡人卧血歸於肝肝受血而能視足受血而能步掌受血而能握指受血而能攝扁鵲曰肝在聲為呼在變動為握在志為怒怒傷肝精氣並於肝則憂肝虛則恐實則怒怒而不已亦生憂矣

肝有病則目奪精虛則寒寒則陰氣壯壯則夢山樹等實則熱熱則陽氣壯壯則夢

怒

論肝病

扁鵲曰。肝中風者。頭目暈。兩脇痛。行常偃。令人嗜甘。如阻婦狀。

肝中寒者。其人洗洗惡寒。翕翕發熱。面翕然赤。熱熱有汗。胸中煩熱。

肝中寒者。其兩臂不舉。舌本大又作燥。善太息。胸中痛。不得轉側。時盜汗咳。食已吐其

汁。

肝主胸中喘。怒罵。其脈沈。胸中义空。即傷寒論所謂义手自冒心也。欲令人推按之。有熱鼻窒。

肝傷。其人脫肉。又卧。口欲得張。時時手足青。目暈。瞳人痛。此為肝臟傷所致也。

肝水者。其人腹大。不能自轉側。而脇下腹中痛。時時津液微生。小便續通。

肝脹者。脇下滿。而痛引小腹。靈樞張論

肝著。也著實。其病人常欲蹈其胸上。先未苦時。但欲飲熱。

肝之積。名曰肥氣。在左脇下。如覆杯。有頭足。如龜鱉狀。久久不愈。發咳逆瘖瘖。連歲

月不己。以季夏戊己日得之。何也。肺病傳肝。肝當傳脾。脾適以季夏。王王者不受邪。

邪復欲還肺。肺不肯受。因留結為積。故知肥氣以季夏得之。難經五十六難

病先發於肝者。頭目眩。脇痛。支滿。一日之脾。閉塞不通。身痛體重。二日之胃。而腹脹。

三日之腎。小腹腰痛。脊痛。脛痠。十日不己。死。冬日入。夏早食。素問標本病傳論

病在肝。平旦慧。下晡甚。夜半靜。

假令肝病。西行。若食雞肉得之。當以秋時發。病以庚辛日也。家有血腥。死女子。見之

以明要為災。不者。若感金銀物得之。

論肝病脈

凡肝臟象木。與膽合為腑。其經足厥陰。與少陽為表裏。其脈弦。相於冬。王於春。春時萬物始生。其氣來濡而弱。寬而虛。故脈為弦。濡即不可發汗。弱則不可下。寬者開。開者通。通者利。故名曰寬而虛。

春脈如弦。春脈肝也。東方木也。萬物之所以始生也。故其氣來濡弱輕虛。王注四時經輕作寬。而滑。端直而長。故曰弦。反此者病。何如而反。其氣來實而弦。此謂太過。病在外。其氣

來不實而微。此謂不及。病在內。太過則令人善忘。志當怒。忽忽眩冒而癩疾。不及則令

人胸痛引背。兩脇脹滿。素問玉機真藏論。

肝脈急甚為噤言。一作妄言。素問大奇論。肝脈大急沈為病。微急為肥氣。在脇下如覆杯。大奇論。肝脈小

緩甚為嘔。微緩為水瘕痺。大奇論。肝脈小緩為腸癖。大甚為內癰。善嘔衄。微大為肝痺。縮咳引小

腹。小甚為多飲。微小為消痺。滑甚為頽疝。微滑為遺溺。濇甚為淡飲。微濇為瘕瘕筋

孿。靈樞邪氣臟腑病形篇。

肝脈沈之而急。浮之亦然。苦脇痛。有氣支滿。引小腹而痛。時小便難。苦目眩。頭痛。腰

脊痛。足為寒。時癢。女人月事不來。時無時有。得之少年有所墮墜。

凡有所墮墜。惡血留內。若有所大怒。氣上而不能下。積於左脇下。則傷肝。

論肝死脈

肝脈來濡弱招招如揭竿末梢曰平。巢源作綽綽如按琴瑟之絃如揭長竿。春以胃氣為本。肝脈來盈

實而滑如循長竿。曰肝病。肝脈來急而益勁如新張弓弦。曰肝死。

春胃微弦微字著眼曰平。弦多胃少曰肝病。但弦無胃曰死。胃而有毛曰秋病。毛甚曰今

病。

真肝脈至。內外急如循刀。及責責然。巢源作蹟蹟然。如按琴瑟弦。巢源作新張弓弦。色青白不澤。毛

折乃死。素問玉機真臟論。

肝脈來濯濯如倚竿。如琴瑟弦。再至曰平。三至曰離經病。四至脫經。五至死。六至命

盡。足厥陰脈也。

肝死藏浮之弱。按之中如索。不來或曲如蛇行者死。

肝藏血。血舍魂。悲哀動中。則傷魂。魂傷則狂妄。其精不守。一作狂妄不精。令人陰縮

而攣筋。兩脇肋骨舉。一作不舉。毛悴色夭。死於秋。

足厥陰氣絕。則筋縮。引卵與舌。厥陰者肝脉也。肝者筋之合也。筋者聚于陰器。而脉

絡于舌本。故脉弗營而筋縮急。筋縮急。則引卵與舌。故唇青舌卷。卵縮。則筋先死。庚

篤卒死。金勝木也。

扁鵲曰。肝病。胸滿脇脹。善悲怒。叫呼。身體有熱。而復惡寒。四肢不舉。面白。身體滑。其

脉當弦長而急。今反短濇。其色當青。而反白者。此是金之尅木。為大逆。十死不治。

論曰。春肝木王。其脉絃細。細字着眼而長曰平。反得沈濡而滑者。是腎之乘肝。母之歸子。

為虛邪。雖病易治。反得浮大而洪者。是心之乘肝。子之乘母。為實邪。雖病自愈。反得

微濇而短。千金翼微浮而短濇者。是肺之乘肝。金之尅木。為賊邪。大逆。十死不治。反得大而緩

者。是脾之乘肝。土之陵木。為微邪。即瘕。心乘肝。必吐利。肺乘肝。即為癰腫。

幹南按。此辨脉之秘法。母歸子為虛邪。子乘母為實邪。寇害我。木尅為賊邪。我

能制敵。木尅土敵乘我。土陵木不能深入為微邪。內經秘旨。

又難經五十難。從後來者為虛邪。後謂生我者也從前來者為實邪。前我生者也從所不勝

來者為賊邪。所不勝尅我者也從所勝來者為微邪。所勝我尅也自病為正邪。自病本臟自感之邪也

假令心病。中風得之為虛邪。肝生心傷暑得之為正邪。傷暑自病飲食勞倦得之為實

邪。脾也傷寒得之為微邪。脾也中濕得之為賊邪。心也此以五行辨證之要義也。

論肝病色

青。脉之至也。長而左。右彈。有積氣在心下支胛。名曰肝痺。得之寒濕。與疝同法。腰痛

足冷。頭痛。

扁鵲曰。肝病。其色青。手足拘急。脇下苦滿。或時眩冒。其脉弦長。此為可治。宜服防風

竹瀝湯秦光散

論曰肝脉搏堅而長色不青當病墜若搏因血在脇下令人喘逆其濡而散色澤者

當病溢飲溢飲者渴暴多飲而溢入肌皮腸胃之外也素問溢入作易入

扁鵲曰診得肝積脉弦而細兩脇下痛邪氣走心下足脛寒脇痛引小腹男子積疝

女子瘕淋身無膏澤善轉筋爪甲枯黑春瘳秋劇色青也

青為肝肝合筋青如翠羽者吉肝主目目是肝之餘其人木形相比于上角蒼色小頭

長面大肩平背直身小手足有材好勞心小力多憂勞于事耐春夏不耐秋冬感而

生病足厥陰他然脇廣合堅脆傾正則肝應之正青色小理者則肝小小則臟安

無脇下之病粗理者則肝大大則虛虛則寒逼胃迫咽善膈中且脇下痛廣脇反散

者則肝高高則實實則肝熱上支責加脇下急為息責合脇危一作散者則肝下下

則逼胃脇下空則易受邪脇骨堅者則肝堅堅則臟安難傷脇骨弱者則肝脆脆

則善病消瘦易傷脇腹好相者則肝端正端正則和利難傷脇骨偏舉者則肝偏傾

偏傾則脇下偏痛正青色小理以下見靈樞本臟篇而此獨詳

凡人分部陷起者必有病生膽少陽為肝之部而臟氣通于內外亦隨而應之沈

濁為內浮清為外若色從外走內者病從外生部處起若色從內出外者病從內生

部處陷內病前治陰後治陽外病前治陽後治陰陽主外陰主內凡人死生休否則

臟神前變。形於外。人肝前病。目則為之無色。若肝前死。目則為之脫精。若天中等分。墓色應之。必死不治。看應增損。斟酌賒促。賒則不出四百日內。促則不延旬日之間。肝病小愈而卒死。何以知之。曰青兼而白則青屬肝。白則金尅木。如拇指大。靨點見頰頰上。此必卒死。肝絕八日死。何以知之。面青兼而目赤赤屬心。木火尅極。但欲伏眠。視而不見人。汗出如水不止。一日二日死。面黑。目青者不死。青如草滋死。吉凶之色。在于分部順順而見青。白入目。必病。不出其年。若年上不應。三年之中。禍必應也。

幹南按。肺臟論。風入肺經。膽氣安泄。目則為青。不可復生。以木刑金故。今云面黑。目青不死。以青屬肝。黑屬水。惟白屬金。金尅木。故雖部分順。而青白入目。必病而死。

論肝病聲

襄公問扁鵲曰。吾欲不診脉。察其音。觀其色。知其病生死。可得聞乎。答曰。乃聖道之大要。師所不傳。黃帝貴之。過于金玉。入門見病。觀其色。聞其呼吸。則知往來出入吉凶之相。角音人者。主肝聲也。肝聲呼。其音琴。其志怒。其經足厥陰。謂肝厥。逆少陽。謂陽。則榮衛不通。陰陽交雜。陰氣外傷。陽氣內擊。擊則寒。寒則虛。虛則卒。然啞啞不聲。此為厲風入肝。續命湯主之。方在第七卷中。諸風門。但踞坐不得低頭。面白青黑。四肢緩弱。遺失便利。甚則不可治。賒則旬日之內。桂枝酒主之。方在第七卷中。諸風門。

又呼而哭哭而反吟此為金尅木陰擊陽陰氣起而陽氣伏伏則實實則熱熱則喘喘則逆逆則悶悶則恐畏目視不明語聲切急謬說有人此為邪熱傷肝甚則不可治若唇色雖青向眼不應可治地黃煎主之方在下肝虛實篇中

肝病為瘧者令人色蒼蒼然太息其狀若死者烏梅丸主之方在第九卷中傷寒門溫瘧第

六若其人本來少于悲恚忽爾嗔怒出言反常乍寬乍急言未竟以手向眼如有所

畏若不即病禍必至矣此肝病聲之候也若其人虛則為寒風所傷若實則為熱氣

所損陽則瀉之陰則補之

幹南按六經情態惟肝最難識東方生木木生肝肝氣始生其氣少其來濡而

弱輕而虛就其濡弱虛輕中微滑且端直而長則為弦其脉根本深入竅于至

陰竅陰穴在足少趾次趾之端屬少陽膽經膽與肝合而應在窻籠之前耳前上脉自下而上其風易動火

亦隨之故養肝如養驕子投其所好防其所溺戒其所縱將順匡救而後可平

也

又六經病情惟厥陰最難治其本陰而標陽為陽中之少陽通于春氣素問六節藏象

論王吳注均作其體風木其用相火與少陽為表裏陰之初盡即陽之初出少

陽不生則肝氣內變素問上古天真論故溫膽即以生木仲景烏梅丸主辛椒薑桂而

佐藥連千金膽腑方溫膽湯主夏佐竹茹義亦同寒因熱用也少陽之氣發少陰之氣始衰後見

論故滋水即以瀉肝千金竹瀝前胡兩湯防風遠志兩散地黃煎多主梔苓白
虎玄地蕤麥而佐薑辛熱因寒用也仲景治肝用苦酸為肝之自病千金治肝
用涼散為肝之客病肝實熱者肝熱中風也肝虛寒者肝虛中寒也知此乃可
讀千金肝臟諸方矣

又讀千金肝臟方而滋疑者以有仲景厥陰之為病消渴氣上撞心中疼熱
饑不欲食一條為定案及傷寒脉微而厥靜而復時煩得食而嘔吐蛔烏梅丸
主之一方為定法以為肝病萬變不能越此範圍不知仲景烏梅丸外尚有實
熱虛寒諸方如厥陰篇傷寒嘔而發熱小柴胡湯厥而裏熱白虎湯熱利下重
白頭翁湯下利虛煩梔子豉湯下利譫語小承氣湯為肝實熱治法如上熱下
寒咽塞吐膿下利麻黃升麻湯熱盛寒格更逆吐下乾薑黃連黃芩人參湯裏
寒外熱通脉四逆湯大汗大下厥冷四逆湯乾嘔頭痛吳茱萸湯厥寒脉細當
歸四逆湯內有久寒當歸四逆加吳茱萸湯為肝虛寒治法但仲景所詳多嘔
吐下利厥逆諸證千金所詳多胸滿脇痛筋急目昏驚恐諸證泄熱補肝諸方
實與仲景小柴胡白虎梔枝麻黃升麻四逆吳茱萸諸湯相出入會而通之可
也

千金肝臟治法有實熱有虛寒實熱者肝熱中風也虛寒者肝虛中寒也有邪

熱邪熱傷肝。驚狂不定。為內風。中風類也。有絡熱。絡熱傷肝。青筋牽急。亦為內風。中風類也。此外有。不因熱而因寒。癘風入肝。喑啞不聲。為毒風。中寒類也。諸方具詳。均補仲景所不及。烏梅丸。詎足盡肝病之變哉。論中所載惡血傷肝。積左脇下。脫肉傷肝。手足青。目瞑。虛熱傷肝。脉沈胸中。又室。欲推按。有熱鼻塞。諸病情。亦仲景所未及。

論膽經筋

其筋起于小指次指之上。結外踝上。循胛外廉。結于膝外廉。其支者。別起于外輔骨。上走髀。前者結伏兔之上。後者結于尻。其直者。上眇。眇音抄。眇在季脇下。俠脇兩傍虛軟處。乘季脇。上走腋前廉。俠于膺乳。結于缺盆。直者。上出掖。貫缺盆。出太陽之前。循耳後。上額角。交巔上。下走頷上。結于顛。其支者。結于目外眇。為外維。靈樞經筋篇。

論膽經脉

其脉起于目銳眇。上抵頭角。下耳後。循頸。行手少陽之前。至肩上。却交出手少陽之後。入缺盆。其支者。從耳後入耳中。出走耳前。至銳眇後。其支者。別銳眇。下大迎。合手少陽于頰下。加頰車下頸。合缺盆。以下胸中。貫膈。絡肝。屬膽。循脇裏。出氣街。繞毛際。橫入髀厭中。其直者。從缺盆下腋。循胸過季脇下。合髀厭中。以下。循髀陽。出膝外廉。下外輔骨之前。直下抵絕骨之端。下出外踝之前。循足跗上。出小指次指之端。其支

者。別跗上。入大指之間。循大指歧內。出其端。還貫入爪甲。出三毛。合足。厥陰為表裏。厥陰之本。在行間上五寸。應在背腧。同會于手少陰。靈樞經 脉篇

論膽經別脉

其足少陽之別。名曰光明。去踝半寸是也。別走厥陰。下絡足跗。以上靈樞經 脉篇主肝生病。病實則膽熱。熱則厥。厥則陽病。陽脉反逆。大于寸口一倍。病則胸中有熱。心脇頭領痛。缺盆腋腫。虛則膽寒。寒則痿躄。變則陰病。陰脉反小于寸口。病則胸中有寒。少氣口苦。身體無膏澤。外至肝絕。骨外踝前。及諸節皆痛。若陰陽俱靜。與其俱動。如引繩俱頓者。病也。此足少陽膽經筋脉支別為病。今取附足厥陰肝經後。

論肝經筋

足厥陰之筋。起于大指之上。上結于內踝之前。上循脗上。結內輔之上。下循陰股。結于陰器。結絡諸筋。靈樞經 筋篇

論肝經脉

足厥陰之脉。起于大指叢毛之際。上循足跗。上廉。去內踝一寸。上踝八寸。交出太陰之後。上脗內廉。循股陰。入毛中。環陰器。抵小腹。俠胃。屬肝絡。膽。上貫膈。布脇肋。循喉嚨之後。上入頰頰。連目系。上出額。與督脉會于巔。一本云。其支者。從少腹與太陰少陽。結于腰。踝下。第三。第四。骨空中。其支者。從目系。下頰裏。環脊內。其支者。復從肝別貫膈上。注肺中。是動則病。腰痛不

可以俛仰。丈夫頰疝。婦人少腹腫甚。則噎乾面塵脫色。是主肝所生病者。胸滿嘔逆。洞泄。狐疝。遺溺。閉癢。盛者則寸口大一倍于人迎。虛者則寸口反小于人迎也。

論肝經別脉

足厥陰之別。名曰蠡溝。去內踝上五寸。別走少陽。其別者循經上臑。結于莖。其病氣逆。則臑腫。卒疝。實則挺長。熱虛則暴癢。取之所別。靈樞經 脉篇

論肝經刺法

左手關上陰絕者。無肝脉也。若癢遺溺難言。脇下有邪氣。善吐刺。足少陽治陽。左手關上陰實者。肝實也。若肉中痛動。善轉筋吐刺。足厥陰治陰。

色主春。病變于色者。取之營。

凡肝病之狀。必兩脇下痛。引小腹。令人善怒。虛則目眊。眊無所見。耳無所聞。善恐。如人將捕之。若欲治之。當取其經。足厥陰與少陽氣逆。則頭目痛耳聾不聰。頰腫取血者。

邪在肝。則兩脇中痛。寒中惡血在內。胷善癢。節時腫。取之行間。以引脇下。補三里。以溫胃中。取血脉以散惡血。取耳間青脉以去其癢。

春木肝。脉色青。主足少陽脉也。春取絡脉分肉。春者木始治。肝氣始生。肝氣急。其風疾。經脉常深。其氣少。不能深入。故取絡脉分肉之間。其脉根本。並在竅陰之間。竅陰足少

陽經脈在足少趾次趾之端應在窻籠之前窻籠者耳前上下脉以手按之動者是也

肝病春當刺大敦夏刺行間冬刺曲泉皆補之季夏刺太衝秋刺中都皆瀉之又當灸期門百壯背第九椎五十壯

論肝膽青筋牽病

春三月者主肝膽青筋牽病也其源從月冬三少陰而涉足少陽少陽之氣始發少陰

之氣始衰陰陽怫鬱于腠理皮毛之病俱生表裏之疴因月春三起從少陽發動反三冬

月少陰氣則肝膽臟腑受厲而生其病相反氣相反故病亦相反若腑虛猶言表虛則為陰邪即陰毒所

傷腰背強急脚縮不伸肱中欲折目中生花若臟實猶云裏實則為陽毒所損漚漚前寒

而後熱頸外雙筋牽不得屈伸頸直背強眼赤黃不欲轉動合身回側故曰青筋牽

病方在傷寒上卷治肝腑臟溫病陰陽毒今補出于後

幹南按此以春溫之陽毒歸本于肝臟之實熱特標青筋牽病名目使人見證

知源方治別出傷寒上卷此未明言欲人貫通善悟

又按論中腑虛則為陰邪所傷臟實則為陽毒所損驟讀之語意似未明瞭及

觀後肝病為瘡一條內云其人虛則為寒風所傷其人實則為熱氣所損以寒

風解陰邪熱氣解陽毒義即了然

扁鵲曰灸肝肺二腧主治丹毒牽病當依源處治調其陽理其陰臟腑之疾不生矣

肝虛實第二 脉四條 灸法一首 方十一首

肝實熱

左手關上脉陰實者足厥陰經也病苦心下堅滿常兩脇痛息忿忿如怒狀名曰肝實熱也

肝膽俱實

左手關上脉陰陽俱實者足厥陰與少陽經俱實也病苦胃脹嘔逆食不消名曰肝膽俱實也

幹南按此明肝膽脉證最為明晰肝經常關係于胃若以胃脹嘔逆食不消為胃病則失之矣

風熱傷肝 方三首

竹瀝泄熱湯 治肝實熱陽氣伏邪熱喘逆悶恐目視物無明狂悖非意而言

竹瀝 一升 麻黃 三分 石膏 八分 生薑 芍藥 各四分 大青

梔子仁 升麻 茯苓 玄參 知母 各三分 生葛 八分

右十二味以水九升煮取二升半去滓下竹瀝煮兩三沸分三服須利下芒消三分去芍藥加生地黃五分 刪繁方無石膏生薑芍藥生葛用人參三分

風熱傷肝挾陽邪而阻于氣氣阻則熱鬱喘逆悶恐外視無見其則狂悖非意而言
前論肝含魂在氣為語又魂傷則狂妄其精不守 痰火內閉之候竹瀝泄熱湯竹瀝通痰熱麻黃石膏生薑

定喘逆邪伏于內非梔子大青知母無以清陽伏于陰非玄參芍藥無以瀉生葛引
清氣以上升茯苓引濁氣以下泄清升濁泄而喘悶視暗狂悖自除方後邪閉須利

下芒消之鹹去芍藥之酸加生地之寒以潤腸通脉而實熱以除

瀉肝前胡湯 治肝實熱目痛胸滿氣急塞

前胡 秦皮 細辛 梔子仁 黃芩 升麻

蕤仁 決明子各三兩 苦竹葉切 車前葉切各一升 芒消三兩

右十一味咬咀以水九升煮取三升去滓下芒消分三服又一方有柴胡三

兩共十二味

風熱傷肝挾陽邪而逆于經目痛胸滿肝脉起目銳眦其支者別銳眦下大迎合缺盆以下胸中貫膈 氣急塞痰火

內閉之候瀉肝前胡湯前胡合細辛開痰滿梔子黃芩瀉熱實秦皮本經除目翳白

赤腫 決明蕤仁療目痛升麻佐竹葉升清以降火車前合芒消泄濁膜頸權去面目 以通腸開肝邪

出路而目痛胸滿氣急塞以除一方有柴胡所以助前胡所不及耳

防風者散 治肝實熱夢怒虛驚

防風 茯苓 萎蕤 白朮 橘皮 丹參各一兩 細辛二兩

甘草 一兩 升麻

黃芩 各一兩半

大棗 三七枚

射干 一兩

酸棗仁 三分

右十三味治下篩為麤散以方寸兩匕帛裹以井花水二升煮時時動裏子煎取一升分服之日二。

風熱傷肝挾陽邪而擾于魂夢怒虛驚怒則火升驚則疾逆疾火外越之候防風煮散防風合

細辛散風熱橘皮茯苓射干開痰結黃芩萎蕤佐丹參瀉陰火酸棗仁益虛驚尤藉

白朮甘棗崇土抑木井花水鎮心安神經言肝欲散易湯為散散以散之而夢怒虛

驚亦止

邪熱傷肝

遠志煮散

治肝邪熱出言反常乍寬乍急

遠志

射干

杏仁

大青 各一兩半

茯神

葛根

甘草

麥門冬 各一兩

芍藥 二分

桂心 三分

石膏 二兩

知母

升麻 各五分

右十三味治下篩為麤散以水二升五合煮竹葉一升取汁用煮藥一匕半

煎取八合為一服日二以綿裹散煮之

邪熱傷肝挾陽邪而擾于魂出言反常乍寬乍急經曰肝氣甚則多言遠志煮散遠

志茯神定肝魂石膏知母甘草清肝熱桂心杏仁射干散肝邪升麻葛根達肝以引

陽麥冬芍藥益肝以引陰陽降陰潛方後竹葉煮汁涼心經導火腑實則瀉子之義

以開肝邪出路。而出言反常。乍寬乍急。亦除。

地黄煎 治邪熱傷肝。好生悲怒。所作不定。自驚恐。

生地黄 淡竹葉 生薑 車前草 乾藍 各切

丹參 玄參 各四兩 茯苓 二兩 石膏 五兩 赤蜜 一升

右十味。以水九升。煮取三升。去滓。停冷。下蜜。更煎。三兩沸。分三服。

邪熱傷肝。挾陽邪而擾于魂。氣逆則怒。氣下則悲。氣亂則驚。氣怯則恐。火無常性。地

黃煎。生地。玄參。滋肝。陰。丹參。乾藍。通肝血。生薑。散肝邪。石膏。清肝熱。茯苓。定肝魂。赤

蜜。和肝氣。竹葉。合車前。利心竅。導火腑。實則瀉子之義。開肝邪出路。而好生悲怒。所

作不定。自驚恐亦除。

絡熱傷肝 方二首

幹南按。前論載青筋牽病。無方。茲從第八卷傷寒門。肝病。溫毒補出。

方 治肝腑臟溫病。陰陽毒。頸背雙筋牽。先寒後熱。腰強急。縮目中。生花。

桂心 一兩 白朮 芒消 大青 梔子 各三兩

柴胡 五兩 石膏 生薑 各八兩 生地黄 香豉 各一升

右十味。以水九升。煮取三升。分三服。

絡熱傷肝。挾陽邪而入于筋。陰陽溫毒。頸背雙筋牽。先寒後熱。腰強急。縮目中。生花。

為筋病全係木鬱肝熱所致變上法桂心柴胡生薑開太陽達經石膏芒消瀉陽明泄熱梔豉大青清上生地滋下白朮安中通上中下三焦使絡血清精氣化經脉舒而寒熱頸背腰筋牽目生花自愈

方 治肝腑臟溫病陰陽毒先寒後熱頸筋牽攣面目赤黃身中直強

玄參 一兩

細辛 二兩

梔子

黃芩

升麻

芒消 各三兩

石膏 三兩

車前子 暴切

竹葉 切五升

右九味以水一斗半煮竹葉車前取七升去滓下諸藥煎至三升下芒消分三服

絡熱傷肝挾陽邪而入于筋陰陽溫毒先寒後熱頸筋牽攣面目赤黃身中直強為筋病全係木鬱肝熱所致細辛入厥陰利關節石膏芒消瀉陽明通腸胃升麻梔子

黃芩清上解熱毒玄參滋下救真水竹葉合車前涼心經導火腑實則瀉子之義開肝邪出路而寒熱頸筋牽面目黃赤身直強亦除

厲風入肝

方二首

幹南按前論載厲風入肝無方茲從第七卷諸風門補出

續命湯 治厲風入肝陰氣內傷陽氣外擊擊則寒寒則虛虛則卒然喑啞不

聲諸風門作大續命湯治肝厲風卒然暗啞依古法用大小續命二湯通治五臟偏枯賊風

麻黃八兩 石膏四兩 桂心 乾薑 芍藥各二

當歸 黃芩各一 杏仁七十枚 荆瀝一升

右九味以水一斗先煮麻黃兩沸掠去沫下諸藥煮取四升去滓又下

荆瀝煮數沸分四服能言未瘥後服小續命湯去石膏杏仁當歸以乾薑易生薑加防風防已芍藥人參

白朮附子 舊無荆瀝今增之效如神千金翼有甘草

厲風入肝肝虛少陽厥逆前論足厥陰厥逆少陽陰氣外傷陽氣內擊 卒然暗啞不聲全匱邪入于續命

湯麻黃重用八兩 桂心 杏仁 散風寒 石膏減用兩 黃芩本經 清濕熱 乾薑 遂冷 飲芍藥當歸

通經血合麻黃越婢麻杏甘石成方諸風門作大續命湯以此 更增荆瀝滌痰涎清聲音千金治瘖啞恒

荆瀝用瀝 而厲風入肝卒暗啞不聲以愈

桂枝酒 治厲風入肝但路坐不得低頭面目青黑四肢緩弱遺失便利諸風門治

肝虛寒卒然瘖啞不聲路坐不得面目青黑四肢緩弱遺失便利厲風所損

桂枝 芍藥 獨活 牛膝 薯蕷 甘草各三兩 附子

防風 茯苓 天雄 茵芋 杜仲 白朮 胡蘆根各四兩

乾薑五兩 大棗四十枚 躑躅 猪椒葉根皮各一升

右十八味以酒四斗漬七日服四合日二加至五六合

厲風入肝肝虛少陰厥冷初無啞啞不聲但踞坐不得低頭面目青黑四肢緩弱遺
失便利。經云風入為飧泄即風毒之脚弱病變上法桂枝酒桂枝防風獨活芎藭合胡蘆根
別錄治風濕痺散風濕茵芋躑躅驅屬毒猪椒乾薑附子天雄破陰邪薯蕷杜仲牛膝堅筋
骨白朮茯苓甘棗健脾胃酒漬飲服味取輕薄流走四肢溫行腑臟而厲風入肝踞
坐不得低頭面目青黑肢弱便利亦除

肝虛寒

左手關上脉陰虛者。表為陽裏為陰足厥陰經也病苦脇下堅寒熱腹滿不欲飲食腹脹悒悒
悒不樂婦人月經不利腰腹痛名曰肝虛寒也

幹南按此明肝虛脉證體認全在脇下堅寒熱若以腹滿不欲飲食腹脹悒悒
不樂為脾病婦人月經不利腰腹痛為奇經衝任病則失之矣

肝膽俱虛

左手關上脉陰陽俱虛者足厥陰與少陽經俱虛也病如恍惚尸厥不知人妄見少
氣不能言時時自驚名曰肝膽俱虛也

幹南按膽氣混濁失其中精之體往往恍惚尸厥驚狂妄見觀膽腑門載救急
萬病多惡毒內閉倉卒欲死形證可悠然悟矣

肝虛血瘀

補肝湯 治肝氣不足兩脇下滿筋急不得太息四肢厥冷發搶心腹痛目不

明了及婦人心痛乳癰膝熱消渴爪甲枯口面青者

甘草

桂心

山茱萸 各一兩千金翼作烏頭

細辛

桃仁

千金翼作麩仁

柏子仁

茯苓

防風 各二兩

大棗 二十枚

右九味咬咀以水九升煮取五升去滓分三服

肝氣不足陰血內結兩脇下滿筋急不得太息四肢厥冷發搶心腹痛目不明了及

婦人心痛乳癰膝熱消渴至爪甲枯口面青陰邪不得外散補肝湯防風桂心細辛

開邪散陰山茱萸仁 別錄柏實療虛損益血肝勞第三論曰肝補精生血桃仁通瘀

止痛朮苓甘棗培土益肝陰血通而脇滿筋急肢厥心腹痛目暗及婦人心痛乳癰

膝熱消渴爪甲枯口面青亦除

肝虛食積

補肝散 治左脇偏痛久宿食不消并目眵眵昏風淚出見物不審而逆風寒

偏甚消食破氣止淚

山茱萸

桂心

薯蕷

天雄

茯苓

人參 各五分

芎藭

白朮

獨活

五加皮

大黃 各七分

防風

乾薑

丹參

厚朴

細辛

桔梗

各一兩半

甘菊花

甘草

各一兩

貫衆

半兩

橘皮

三分

陳麥麴

大麥麴

各一升

各一升

右二十三味治下篩酒下方寸匕日二若食不消食後服若止痛食前服之

肝氣不足食積內結脇偏痛久宿食不消

肝與胃病常相因

目眩眩昏風淚出陰邪不得外

散如上法加味補肝散桂心細辛獨活平開以達肝邪乾薑天雄辛溫以救肝逆丹

參芍窮合桔梗

本經桔梗治胸脇痛如刀刺

通血止偏痛防風甘菊佐山萸薯蕷明目止風淚惟

其宿食不消脾滯即肝滯故既用五加厚朴橘皮以泄濕貫衆

本經治腹中邪熱氣

大黃以瀉

積茯苓人參甘草以調脾尤重用麥麴麥藥以消穀易湯為散酒下溫行食積祛而

脇久偏痛食不消目昏淚出風寒偏甚亦除

肝虛冷積

檳榔湯

治肝虛寒脇下痛脹滿氣急目昏濁視物不明

檳榔

二十枚

母薑

七兩

附子

七枚

茯苓

七枚

橘皮

桂心

各三兩

桔梗

白朮

各四兩

吳茱萸

五兩

右九味改咀以水九升煮取三升去滓分溫三服若氣喘者加芍窮三兩半

夏四兩甘草二兩

肝氣不足冷積內結脇下痛脹滿氣急目昏濁視物不明陰邪不得外散如上法減

味。檳榔湯。桂心。母薑。辛。開以達肝邪。附子。吳萸。辛。溫以消肝脹。前論。肝脹者。脇下。桔梗。開結。止脇痛。橘皮。降逆。緩氣急。惟其逆滿不消。脾滯。即肝滯。故既用白朮。茯苓。以行脾。尤專任檳榔以消積。方後痰鬱氣喘。則加芎藭。半夏。合甘草。以佐朮。苓所不及。冷積去。而脇痛。脹滿。氣急。目昏。不明。亦除。

肝虛痰濕

防風補煎 治肝虛寒。目眈眈。視物不明。諦視生花。

防風 細辛 芎藭 白蘚皮 獨活

甘草 各三兩 橘皮 二兩 大棗 三七枚 甘竹葉 切一斗 蜜 五合

右十味。哎咀。以水一斗二升。先煮九味。取四升。去滓下蜜。更煎兩沸。分四服。日三夜一。若五六月。以燥器貯冷水藏之。

肝氣不足。痰濕內結。目眈眈。不明。諦視生花。惟無脇痛。脹滿。氣急之候。防風補煎。防風。合芎藭。獨活。細辛。息風。眩。橘皮。白蘚。開痰濕。甘草。大棗。蜜。潤肝。氣妙。重用竹葉。輕清。上行。以明。兩目。利九竅。痰濕去。而目眈眈。不明。諦視生花。以除。

肝虛風濕

補肝釀松膏酒 治肝虛寒。或高風眼。淚等雜病。

松脂十斤。細剉。以水淹浸一周。日煮之。細細接取上膏。水竭。更添之。脂既盡。

更水煮如前。烟盡去火停冷。脂當沈下。取一斤。釀米一石。水七斗好麴末二斗。如家常釀酒法。仍冷下飯。封一百日。脂米麴并消盡。酒香滿一室。細細飲之。此酒須一倍加麴。

肝氣不足。風濕內侵。高風眼淚亦無。脇痛脹滿。氣急之候。補肝釀松膏酒。松脂去濕祛風。麴釀平胃温膽。隨酒氣以上升頭目。風濕去而高風眼淚以除。

又方

取枸杞子搗碎。先納絹袋中。率一斗。枸杞子二斗。酒漬訖。密封泥甕。勿泄暴。乾天陰勿出。三七日滿。且温酒服。任性飲。忌酢。

肝氣不足。風濕內損。高風眼淚亦無。脇痛脹滿。氣急之候。枸杞酒。枸杞益精。氣除風濕。本經治五臟邪氣風濕。隨酒力以上升頭目。風濕去而高風眼淚亦除。

灸法

肝虛目不明。灸肝輸二百壯。小兒斟酌。可灸一二七壯。

肝勞第三 論一首 方二首

論曰。肝勞病者。補心氣以益之。補子益母。心王則感于肝矣。人逆春氣則足少陽不生而

肝氣內變。素問四論。順之則生。逆之則死。順之則治。逆之則亂。反順為逆。是謂闕格。

厥陰氣盛少陽之氣不能外營則陰闕少陽氣盛厥陰之氣不能內營則陽格營者和澤也。闕者閉絕之義。格者捍絕之義。病則生矣。

幹南按。肝勞者。肝勞虛損。心氣不足。所致五臟各有勞損。此舉肝臟言之。勞則

肝木生長之氣逆而不順。內傷骨髓。外敗筋肉。血氣將亡。經絡便壅。皮裏空疏。

千金翼敘虛損論。經絡便壅。皮裏空疏。即猪膏酒方下所謂閉塞不通。毛悴色天是也。陰闕陽格。惟招蠱疾。蠱者如蟲之蝕。見千金翼

論。邪氣所入。虛風緩急。甚則骨疼筋攣。心臟不甯。煩悶。以起病。則深矣。肝勞治

法。自以猪膏酒為主。虎骨酒。則因體寒。挾飲。肝氣內變。而然。蓋男子五勞七傷。

八風十二痺。病本相同。為肝臟致損。見臈臍風虛雜補酒者。第五天門冬大煎方。分別觀之。可也。

又按。經言。陰陽之要。陽氣者。煩勞則張。精絕。陰氣者。靜則神藏。躁則消亡。故安

則逸。擾則勞。逸則順。勞則逆。又曰。逆春氣則少陽不生。肝氣內變。肝勞主義。即

由此體認而出。

虛寒陰竭

猪膏酒 治肝勞虛寒。闕格勞澀。閉塞不通。毛悴色天。

猪膏

薑汁 各四升

右二味以微火煎取三升下酒五合和煎分為三服

肝勞虛寒木氣不生內則閉塞不通外則毛悴色夭病成關格肝陰內竭猪膏酒甘潤溫通一法猪膏以滋肝陰薑汁以通膽氣酒煎溫行隨酒入膽以益肝勞而虛寒關格勞澀閉塞不通毛悴色夭以愈

虛寒陽擾

虎骨補酒

治肝虛寒勞損口苦關節骨疼痛筋攣縮煩悶

虎骨

一升炙焦碎如雀頭

丹參

八兩

乾地黄

七兩

地骨皮

乾薑

芎藭

各四兩

猪椒根

白朮

五加皮

枳實

各五兩

右十味以絹袋盛以酒四斗浸四日初服六七合漸加至一升日再服

肝勞虛寒木氣不生口苦關節骨疼痛筋攣縮煩悶心不痛肝陽內擾虎骨補酒虎骨

芎藭追風痛五加舒筋攣枳實消胸悶猪椒乾薑白朮理中寒丹參地黄通肝血酒

浸溫行隨酒入膽以益肝勞而虛寒勞損口苦關節骨疼痛筋攣縮煩悶亦除

幹南按肝勞治法與膀胱腑風虛雜補酒煮方已戟酒五加酒天冬大煎等同

一妙義當通檢用之

筋極第四 論三首 方七首 灸法七首

論曰夫六極者天氣通于肺地氣通于膈風氣應于肝雷氣動于心穀氣感于脾素問

穀作雨氣潤于腎六經為川腸胃為海九竅為水注之氣所以竅應于五臟五臟邪

傷則六腑亦傷而所生極肝筋極心脉極脾肉故曰五臟六極也

論曰凡筋過勞極盡者主肝病之自也肝應筋筋與肝合肝有病從經所

由外以春遇病為筋痺筋痺不已復感于邪內舍于肝則陽氣入于內陰氣出于外

若陰氣外出則虛虛則筋虛筋虛則善悲色青蒼白見于目下若傷寒則筋不能

動十指爪皆痛數好轉筋為肝虛其源以春甲乙日得之傷風風在筋為肝虛風也

若陽氣內發發則實實則筋實筋實則善怒嗌乾傷熱則咳咳則脇下痛不能轉側

又脚下滿痛為肝實故曰肝實風也然則因其輕而揚之因其重而減之因其衰而

彰之審其陰陽以別柔剛陽病治陰陰病治陽善治病者病在皮毛肌膚筋脉猶在

而治之次治六腑若深入至五臟極而則半死矣

扁鵲云筋勞極不治九日死何以知之手足爪甲青黑呼罵不息筋應足厥陰足

厥陰氣絕則筋縮引卵與舌筋先死矣

幹南按肝勞為臟病筋極為經病經曰肝者罷極之本動作勞甚謂之罷極肝

極之其華在爪爪為筋其餘在筋可知肝為罷極之本筋即罷極之用本論肝

有病從經所應之筋生可知肝勞為肝臟之傷筋極為肝經之極筋極特肝勞虛損之外候為五極之一復感于邪則有虛風實風之病陽病治陰陰病治陽猶是常法若筋極而絕則不治手足爪甲青黑筋縮引卵與舌一身反若無痛者以病由經入臟故也

筋實極 方三首

脇痛筋傷

橘皮通氣湯 治筋實極則欬欬則兩脇下縮痛甚則痛不可轉動

橘皮四兩 白朮石膏各五兩 細辛 當歸 桂心 茯苓各二兩 香豉一升

右八味咬咀以水九升煮取三升去滓分三服

肝勞傷熱則筋實極逆于氣分病在脇下上則欬欬則兩脇下縮痛甚則不可轉側橘皮通氣湯橘皮細辛通氣止欬桂心當歸和營止痛石膏茯苓清熱瀉火香豉白朮開滯行脾以舒罷極之本經曰肝者罷極之本而欬引兩脇下縮痛甚則不可轉動以除

脚痛筋傷

丹參煮散 治筋實極則兩脚下滿滿而痛不得遠行脚心如割筋斷折痛不

可忍

丹參三兩 芎藭 杜仲 續斷 地骨皮各二兩 當歸 通草

乾地黄 麥門冬 升麻 禹餘糧 麻黃各一兩 牛膝二兩

生薑切炒取焦乾 牡蠣各二兩 甘草 桂心各一兩

右十七味治下篩為麤散以絹袋子盛散二方寸匕以井花水二升煮數動

袋子煮取一升頓服日二

肝勞傷熱則筋實極逆于血分病在脚下脚下滿而痛不得遠行脚心如割筋斷折

痛不可忍丹參煮散丹參芍藥當歸合餘糧本經治血閉別錄療心腹痛結煩疼通血止痛地骨續斷

杜仲堅骨壯筋地黃麥冬牡蠣養肝滋水桂心麻黃生薑升麻散火升陽牛膝通草

通關利節又得甘草之緩井花水之和以舒疲極之本而脚下滿痛不得遠行脚心

如割斷折以除

爪黑筋傷

地黃煎 治筋實極手足爪甲或青或黃或黑烏黯四肢筋急煩滿

生地黄汁三升 生葛汁 生玄參汁各一升 大黃 升麻各二兩

梔子仁 麻黃 犀角各三兩 石膏五兩 芍藥四兩

右十味以咀以水七升煮七物取二升去滓下地黄汁煎一兩沸次下葛汁

等煎取三升分三服日再

肝勞傷熱則筋實極逆于血分病在手足爪甲或青或黃或黑四肢筋急煩滿地黄

煎。生地黃生玄參汁生葛汁。滋液養筋。麻黃升麻。石膏梔子。升陽散火。犀角大黃。合芍藥。除煩消滿。以舒罷極之本。而手足爪甲青黃黑黯。四肢筋急。煩滿以除。

筋虛極 方二首

腹痛筋痺

五加酒 治筋虛極。筋痺好悲思。顏色蒼白。四肢噓吸。脚手拘攣。伸動縮急。腹

中轉痛。

五加皮 一斤 枳刺 二升

大麻仁 三升 猪椒根皮 丹參 各八兩

桂心

當歸

甘草 各三兩

天雄

秦椒

白鮮

通草 各四兩

乾薑 五兩

薏苡仁 半升 芎藭 五兩

右十五味。以咀。以絹袋盛。清酒四斗。漬春夏四日。秋冬六七日。初服六七合。稍稍加。以知為度。

肝勞傷濕。則筋虛極。虛極則痺。病在手。脚心。腹好悲思。顏色蒼白。前論陰氣外出則筋虛。筋虛則善悲。

色蒼白見于目下 四肢噓吸。脚手拘攣。縮急。甚則腹中轉痛。五加酒。五加苡仁。舒筋逐濕。桂

心猪椒。秦椒。乾薑。天雄。開痺通陽。丹參。芎藭。當歸。行血止痛。通草。枳刺。通關利節。麻

仁。甘草。滋液和肝。以舒罷極之本。而好悲思。顏色蒼白。四肢噓吸。脚手拘攣。縮急。腹

中轉痛以除。
腹痛筋絕

人參酒 治筋虛極則筋不能轉。十指爪皆痛。數轉筋。或交接過度。或病未平

復。交接傷氣內筋。絕舌卷唇青。引卵縮。肝脉疼急。腹中絞痛。或便欲絕不能

飲食。

人參 防風 茯苓 細辛 秦椒 黃耆

當歸 牛膝 桔梗各一兩 乾地黄 丹參 薯蕷

鍾乳 礬石各三兩 山茱萸 芎藭各二兩 白朮 麻黃各二兩

大棗三十枚 五加皮一升 生薑切炒 烏麻碎各二升

右二十二味。咬咀。鍾乳別以小袋子盛。以清酒二升半浸五宿。溫服三合。日

再。無所聞。隨意增進。一本無烏麻。用杜仲二兩。

肝勞傷精則筋虛極。虛極則絕病在舌。唇卵腹。十指爪痛。數轉筋。舌卷。唇青。卵縮。肝

脉疼急。甚則腹中絞痛。欲絕不能飲食。如上法加味。人參酒。五加牛膝。舒筋逐濕。麻

黃生薑。防風。桔梗。細辛。秦椒。開痺通陽。丹參。芎藭。當歸。行血止痛。礬石。鍾乳。開關利

竅。地黃。山茱萸。薯蕷。烏麻。補精養肝。黃耆。人參。白朮。茯苓。大棗。升陽益胃。以舒罷極之

本。而十指爪轉痛。筋絕。舌卷。唇青。卵縮。肝脉疼急。腹中絞痛。欲絕不能飲食。亦除。

交接筋攣

方 治交接損卵縮筋攣

燒婦人月經衣灰服方寸匕

交接筋攣有因肝虛筋極致損有不因肝虛筋極致損總以陰陽易病燒視散變法治之

墜搏筋絕

方 治筋絕

熬蟹腦足髓納瘡中瘡同創言納入筋創傷處筋即續

傷科筋絕祕法不可不傳見二十四卷備急門被傷筋絕方

灸法

勞冷氣逆腰臑冷痺脚屈伸難灸陽蹻一百壯在外踝下容爪


腰背不便轉筋急痺筋攣灸第二十一椎隨年壯

轉筋十指筋攣急不得屈伸灸脚外踝骨上七壯

失精筋攣陰縮入腹相引痛灸中封五十壯在內踝前筋裏宛宛中

失精筋攣陰縮入腹相引痛灸下滿各五十壯老人加之小兒隨年壯又云此二穴

喉腫厥逆五臟所苦鼓脹並悉主之。
轉筋脛骨痛不可忍灸屈膝下廉橫筋上三壯。
腹脹轉筋灸臍上一寸二十壯。



堅癥積聚第五 論一首 灸法六首 方四十四首

論曰。病有積有聚。何以別之。答曰。積者。陰氣也。聚者。陽氣也。故陰沈而伏。陽浮而動。

氣之所積。名曰積。氣之所聚。名曰聚。故積者。五臟之所生。聚者。六腑之所成。故積者。

陰氣也。其始發有常處。其痛一作不離其部。上下有所終始。左右有窮處也。聚者。陽

氣也。其始發無根本。上下無所留止。其痛無常處。謂之聚也。故以是別知積聚也。此

本難經。與金匱。積者。臟病也。終不移。聚者。腑病也。發作有時。展轉痛移。為可治。義同。

經絡受病。入于腸胃。五臟積聚。發伏梁。積。心之息賁。肺之肥氣。肝之痞氣。脾之奔豚。腎

積。積聚之始生。至其已成。奈何。曰。積之始生。得寒乃生。徐氏四字。乃成積之總訣。厥止乃成積。下

三段。義本內經。

人之善病腸中積者。何以候之。曰。皮薄而不澤。肉不堅而淖澤。如此則腸胃傷惡。惡

則邪氣留止。積聚乃作。腸胃之積。寒溫不次。邪氣稍止。至其蓄積。留止大聚。乃起。積由

而聚。義主一串。

病有身體腰脚股胛皆腫。環臍而痛。是謂何病。曰。病名伏梁。此風根也。言由風毒根

入。通于肝。肝脉環臍。故環臍而痛。臍為人身之樞。不可動。動之為水溺瀉之病。肝脉

器。所生病。為居臍上為逆。素問。腹中論。居臍上為逆。居臍下為從。臍上去心。臍陰

遺溺。閉癢。但數數去之。可移矣。其氣溢于大腸。肝脉支者。別貫膈。上心。臍去心。臍陰

勿動。亟奪。注。言不可移矣。其氣溢于大腸。肝脉支者。別貫膈。上心。臍去心。臍陰

之原在臍下。故環臍而痛。

幹南按。此節言肝氣之積。以肝之積必由氣也。舉伏梁心積而肝積可知。肺與脾腎之積亦可知矣。

病少腹盛。左右上下皆有根者。伏梁也。吳注。根。病之所窮止也。伏梁。言如潛伏之橋。梁為患深著之名。此與難經論伏梁不同。彼

為心臟之積。陰氣也。此為膿血之聚。陽毒也。裏膿血居腸胃之外。不可治。治之每切按之致死。此下則因

陰。必下膿血。上則迫胃管。生王冰注。當作出。膈。俠胃管內癰。內潰之癰。不顯于外。此久病也。難療。

幹南按。此節言肝血之積。以積之成聚。必由血也。舉伏梁心積而肝積可知。肺

與脾胃之積。亦可知矣。

又按。靈樞百病始生篇。有曰。積之始生。得寒乃生。厥寒氣乃成積。凡積未有不

因寒而生者。又曰。清濕襲虛。厥氣傷下。脛寒入于腸胃。卒多飲食。則腸滿。過勞

用力。則絡傷。腸滿絡傷。則血溢腸外。腸外有寒。汁沫與血相搏。並合。凝聚。則成

積。又曰。風雨寒暑襲虛。厥氣傷上。中于津輸。若內傷憂怒。則氣逆入房。汗出。則

精罷。氣逆精罷。則血凝。蘊裹。經中津液。因而瀦滲。留著不去。則積成。凡積未有

不因血而成者。至本論所引經文。一則曰。氣溢于大腸。再則曰。裏膿血居腸胃

之外。可見積因寒因血。均在經絡及腸胃之外。而不在臟明矣。凡經所言肝之

積。心脾肺腎之積。特原其所自生。至其所成。則由微而著。其始積微。其後乃聚。

故經曰。蓄積留止。大聚乃起。由積而聚。義極分明。自難經以積為陰。氣痛不離其部。聚為陽。氣痛無常處。以積聚分陰陽。金匱因之。亦以積為臟病。終不移。聚為腑病。痛可移。樂源亦宗此義以積聚分臟腑。一若積陰而聚陽。積寒而聚熱。離積與聚而二之。揆之經義。轉多出入千金諸方。獨出手眼。不必分孰為臟孰為腑。不必分孰為心積孰為脾肺腎積。但以肝積標舉五臟于肝。臟虛實門中。附入積聚條文。以為例。誠以肝主發。生之氣。生氣旺。則五臟環周。生氣阻。則五積留著。得溫則順。得寒則逆。治法。大黃黃連黃芩。必與細辛蜀椒桂附互用。烏頭狼毒。芫花甘遂。巴豆蠱蟲。蜥蜴蜈蚣。斑蝥。亦與人參白朮歸地。茯苓。備採。寒熱攻補兼施。祈盡五臟積聚之變。不獨為肝臟一門。而設。識議實出扁鵲仲景意言之。表末第舉堅癥諸雜病。而類及之耳。

水飲積聚 方三首

三台丸

治五臟

不專指肝

寒熱積聚。臃脹腸鳴。而噫。食不生肌膚。甚者嘔逆。若傷

寒。寒瘡已愈。令不復發。食後服五丸。飲多者吞十丸。常服令人大小便調和。

長肌肉。

大黃 熱

前胡

各二兩

消石

葶藶

杏仁

各一升

厚朴

附子

細辛

半夏

各一兩

茯苓

半兩

右十味末之蜜和搗五千杵服如梧子五丸稍加至十丸以知為度

肝邪留著由積而聚陰氣外襲寒熱臃脹腸鳴而噫食不生肌膚甚者嘔逆水飲阻于經絡三台丸前胡杏仁開肺氣厚朴半夏茯苓葶遂痰飲大黃消石攻熱積附子破寒積妙用細辛別錄破痰利水道益肝膽辛潤利水道以達肝邪寒熱互用蜜丸緩下寒熱臃脹腸鳴噫氣嘔逆止并可為瘡後肝邪未盡及渴飲多者常服調和之法

甘遂湯 治暴堅久痞腹有堅

甘遂 黃芩 芒消 桂心 細辛各一兩 大黃三兩

右六味咬咀以水八升者取二升半分三服

肝邪留著由積而聚陽氣內結暴堅久痞腹有堅水飲痼于腸胃甘遂湯甘遂泄水飲桂心通陽氣黃芩大黃芒消瀉痞堅妙用細辛辛潤利水道以達肝邪寒熱互用湯取急下而暴堅久痞腹有堅亦除

陷胸湯 治胸中心下結積食飲不消

大黃 枳椇實 黃連各二兩 甘遂一兩

右四味咬咀以水五升者取二升五合分三服

肝邪留著由積而聚陽氣內結食飲不消水飲痼于心胸陷胸湯仍用甘遂泄水飲大黃黃連瀉痞積變用枳椇實開胸痺潤肺燥以達肝邪但寒不熱湯取急下而胸

中心結實。飲食不消亦除。

幹南按。水飲積聚三方。首方積聚無形。寒熱嘔逆。邪在少陽。治法寒熱互用。丸取緩下。免傷臟氣。二三方積聚有形。暴堅久痞。邪在陽明。腹為陽明。裏部胸為陽明。表部治法。一寒熱互用。一但寒不熱。湯取急下。直達腑邪。首方大柴胡變法。前胡半夏大黃。次方大陷胸變法。甘遂大黃芒消。三方小陷胸。黃連栝樓實。大黃黃連瀉心變法。具有精義。

痰濕積聚

恒山丸 治脇下邪氣積聚。往來寒熱。如溫瘧。

恒山

蜀漆

白薇

桂心

鮫甲

白朮

附子

鱉甲

蠱蟲

貝齒

蜚蟲

各一兩半 六銖

右十一味末之。蜜丸如梧子。以米汁服五丸。日三。

肝邪留著。由積而聚。陰邪外襲。脇下邪氣往來。寒熱如溫瘧。痰濕阻于血脉。恒山丸。白薇。桂心。散寒。熱。恒山。蜀漆。吐瘧。痰。白朮。開濕。痺。附子。破堅。積。貝齒。鱉甲。鮫甲。搜肝邪。蠱蟲。蜚蟲。穿血絡。蜜丸。米汁。緩下。而脇下積聚。往來寒熱。如溫瘧。以除。

熨方

蒸鼠壤土熨之。冷即易。腹中切痛。炒鹽半升。令焦。納湯中。飲之大吐。痰。若手

足痛者。燒青布。納小口器中。熏痛處。

鼠性柔而齒剛。善伏而夜動。走肝通絡。功不在貝齒。鮫甲二蟲之下。本乎地者親

上。取其壤土。以溫熨入肝。瘡邪去。而脇下積聚自散。若猶腹痛。內有痰滯炒鹽吐法。

木氣得伸。土氣以平。或移手足。痛走四肢。青布之熏。功在染藍。借火力以清痰熱。利

關節。亦通則不痛之旨耳。婦人方中。心腹痛。第四布裏。鹽如彈丸。燒作灰。酒服之。愈。可以參用。

痰瘀積聚 方二首

方 治心腹。疝瘕。脇下及小腹滿。堅痛。有積寒氣入腹。使人腹中冷發。甚則上

搶心。氣滿。食飲喜嘔。

大黃 茯苓各一兩半 吳茱萸 桂心 黃芩 細辛 人參

蜀椒 乾薑各一兩 牡丹 甘草 芎藭 茯苓 薤白 各十

芍藥 防葵 蝨蟲 厚朴 半夏 各一兩 男髮灰 半兩

右二十味末之。以蜜丸。服如梧子五丸。日再。漸加之。

肝邪留著。由積而聚。陰邪外襲。病起脇下及小腹。滿堅痛。自下逆上。入腹搶心。食飲

喜嘔。痰瘀滯于血絡。半夏茯苓防葵。開痰濁。大黃厚朴黃芩牡丹。瀉痰熱。桂心及乾

薑蜀椒吳萸。攻疝瘕。芎藭芍藥髮灰。合蝨蟲。通血絡。茯苓養腎。精人參甘草。安

胃。氣仍妙用。細辛辛潤。利水道。以達肝邪。寒熱互用。攻補兼施。蜜丸緩下。而疝瘕脇

下小腹滿痛。入腹搶心。食飲喜嘔亦除。

神仙度命丸 治久患腹內積聚。大小便不通。氣上搶心。腹中脹滿。逆害飲食。服之甚良。

大黃 芍藥 各二兩

右二味末之。蜜丸。服如梧子四丸。日三。不知可加至六七丸。以知為度。

腹內積聚。氣上搶心。脹滿。逆害飲食。證如前。惟大小便不通為異。神仙度命丸。獨用芍藥除痺。破堅積。經本大黃通瘀。利水穀。經本開大腸。以達肝邪。以攻為補。蜜丸緩下。而大小便不通。氣上搶心。腹中脹滿。逆害飲食亦除。

勞冷積聚 方二首

五石烏頭丸 治男子女人百病。虛弱。勞冷。宿寒。久癖。及癥瘕積聚。或嘔逆。不下食。并風濕諸病。無不治之者。

鍾乳 鍊 紫石英 硫黃 赤石脂 礬石 枳實 甘草

白朮 紫苑 山茱萸 防風 白薇 桔梗 天雄

皂莢 細辛 菴蓉 人參 附子 藜蘆 各一兩 乾薑 六銖

吳茱萸 蜀椒 桂心 麥門冬 各二兩 烏頭 三兩 厚朴

遠志 茯苓 各一兩 當歸 二兩 棗膏 五合 乾地黄 一兩

右三十二味末之蜜和搗五千杵酒服如梧子十九日三稍加之

肝邪留著由積而聚宿寒久癖及癥瘕嘔逆不下食證如前惟虛勞冷臟氣久傷五石烏頭丸五石通陽破陰烏頭附子天雄消堅去積防風白薇祛邪于表紫苑桔梗合皂莢藜蘆涌邪于上厚朴枳實茯苓降逆于下蜀椒乾薑細辛吳萸温脾以祛冷當歸地黃山萸菴蓉滋腎以養肝遠志麥冬補心以益勞前論肝勞病者參朮甘草崇土以抑木攻補兼施蜜丸酒服通膽氣以達肝邪而虛弱勞冷宿寒久癖癥瘕嘔逆不下食以除

烏頭丸 治男子女人寒冷腹內積聚邪氣往來厥逆搶心心痛痺悶吐下不

止婦人產後羸瘦

烏頭枚十五

吳茱萸

蜀椒

乾薑

桂心各二兩半

前胡

細辛

人參

芍藥

白朮各一兩

皂莢

紫苑

白薇

芍藥各十銖

乾地黃半兩

右十五味末之蜜丸酒下如梧子十九日三稍加之以知為度

肝邪留著由積而聚男子女人寒冷腹內邪氣往來厥逆搶心證如前惟心痛痺悶吐下不止則不僅嘔逆不食臟氣大傷烏頭丸白薇仲景治婦人產後虛煩嘔逆安中益氣竹皮丸方中用白薇紫苑前胡降嘔逆桂心皂莢開痺悶蜀椒乾薑吳萸烏頭止吐下芍藥地黃芍藥療

厥痛。人參白朮益虛羸。仍妙用細辛辛潤水道。以達肝邪。攻補兼施。蜜丸酒服。通
膽氣。以達肝陽。而寒冷腹內積聚。厥逆搶心。心痛痺悶。吐下不止。及婦人產後羸瘦
亦除。

通治方

方 治萬病積聚

七八月間。收蒺藜子。不限多少。以水煮過熟。取滓暴令乾。搗篩。蜜丸酒服。如
梧子七丸。以知為度。其汁煎如飴服之。

蒺藜。本經治惡血。破積聚。藉其清利頭目。上行之力。蜜丸酒服。通膽氣。以達肝邪。而
萬病積聚亦除。

鬼疰堅癥

方二首

幹南按。巢源積聚與癥瘕分候。積聚由陰陽不和。腑臟虛弱。風邪搏于腑臟之
氣所為。癥瘕由寒熱不調。飲食不化。與臟氣相搏結所生。其病不動者。直名為
癥。若病雖有結癥。而可推移者。名為瘕。瘕者假也。謂虛假可動也。病皆在經絡
及腸胃之外。而不在臟。鬼邪蠱毒怪物。均痰飲食積之所變化而已。

太乙神明陷冰丸

治諸疾。破積聚。心下支滿。寒熱。鬼注長病。欬逆。唾噫。辟除

衆惡殺鬼逐邪氣。鬼擊客忤。中惡胸中結氣。咽中閉塞。有進有退。繞臍側側。隨上下。按之挑手。心中愠愠。如有蟲狀。毒注相染滅門。

雄黃油煮一日丹砂

礬石

當歸

大黃各二兩巴豆

芫青五枚桂心三兩

真珠

附子各一兩

蜈蚣一枚

烏頭八枚

犀角

鬼臼

射罔

藜蘆各一兩

麝香

牛黃

人參各半兩杏仁四十枚

蜥蜴一枚

斑猫七枚

榜雞三七枚

地膽三七枚

右二十四味末之。蜜和搗三萬杵。丸如小豆。先食飲服二丸。日二。不知稍加

之。以藥二丸安門戶上。令衆惡不近。傷寒服之。無不即瘥。若至病家。及視病

人。夜行獨宿。服二丸。衆惡不敢近。此方與第十六卷尸疰篇方重。

鬼疰。堅癥。飲邪。結于心。胸及臍。腹心下支滿。寒熱。效逆。唾噫。胸中結氣。咽塞。繞臍側

痛。上下挑手。心中愠愠。如有蟲狀。非金石。通靈獸。蟲走竄。卒熱。大毒之藥。不能深入

經絡。雄黃丹砂礬石。礬石與礬石。功力相反。礬石性寒無毒。殺鬼消癘。真珠牛黃犀

角麝香解毒。開邪。蜈蚣蜥蜴芫青斑猫榜雞。難地膽。穿經入絡。烏頭射罔。附子大黃巴

豆。破積攻堅。杏仁藜蘆。桂心當歸。通氣活血。人參扶正。抑邪。攻補兼施。蜜丸緩下。開

大腸。以達肝邪。仍以二丸安戶上。而心下支滿。寒熱。效逆。唾噫。胸中結咽塞。繞臍側痛。

心中愠愠。如有蟲狀。亦除。

幹南按鬼擊客忤皆名中惡由人精神衰弱鬼邪之氣所為當時救療餘氣停滯心腹刺痛久後發作則發為注亦作症即鬼症又有風注寒注氣注生注涼注酒注食注水注尸注之不同亦其類也

蜥蜴丸 治癩堅水腫蜚尸遁尸百注尸注骨血相注惡氣鬼忤蠱毒邪氣往來夢寤存亡留飲結積虎狼所噬獠犬咋鳩毒八人五臟服藥已消殺其毒食不消婦人邪鬼忤亦能遣之

蜥蜴 二枚 蜈蚣 二枚 地膽 五枚 蠱蟲 十枚 杏仁 各三枚

蟋蟀 十四枚 蝨蟲 三十枚 朴消 八兩 澤漆 十兩 桃奴

犀角 鬼督郵 桑赤雞 各十兩 芍藥 虎骨 各一兩半

甘草 一兩 巴豆 一兩 欵冬 花 甘遂 一兩 乾薑 一兩

右二十味末之別治巴豆杏仁如膏納約末研調下蜜搗二萬杵丸如麻子先食飲服三九日一不知加之不敢吐下者一丸日一服有人風冷注癩堅

二十年者得瘥此方與第十六卷尸症篇方重

鬼症堅癩飲邪注于骨血及神魂惡氣鬼忤蠱毒邪氣往來夢寤存亡留飲結積虎狼獠犬鴆毒所傷非獸蟲走竄及辛熱大毒之藥不能深入經絡蜥蜴丸虎骨犀角鬼督郵桃奴殺鬼驅邪杏仁欵冬乾薑合甘遂澤漆本經澤漆治大腹水氣開痰泄飲巴豆破

積攻堅。蜥蜴

別錄治五種邪結氣蜈蚣地膽蠱蟲蟲蟻螂桑赤雞穿經入絡芍藥利水道破石淋下血

甘草調木平肝攻補兼施。蜜丸緩吐及下。開腸胃以達肝邪而惡氣鬼忤蠱毒邪氣往來夢寤存亡留飲結積虎狼豺犬鴆毒所傷亦除。

陰毒堅癥

方三首

大五明狼毒丸

治堅癖痞在人胸脇或在心腹

狼毒

乾地黄

各四兩

附子

大黃

菴蓉

人參

當歸

各一兩

半夏

二兩

乾薑

桂心

各一兩半

細辛

五味子

蜀椒

蘭茹

熬令烟盡各一兩

芫花

莽草

厚朴

防己

各半兩

巴豆

二十枚

旋復花

半兩

杏仁

三十枚

右二十一味末之蜜和服如梧子二丸日二夜一以知為度

陰毒堅癥飲邪結于胸脇及心腹非辛熱大毒之藥不能深入腸胃大五明狼毒丸

桂心蜀椒乾薑五味子通陽泄飲杏仁旋覆半夏厚朴芫花防己降肺開痰狼毒莽

草附子大黃巴豆瀉毒破積蘭茹當歸地黃菴蓉通血養陰人參崇土抑木攻補兼

施蜜丸緩下開大腸以達肝邪而堅癖痞在人胸脇或在心腹亦除

小狼毒丸

治病與前同方

狼毒

三兩

旋復花

附子

半夏

白附子

蘭茹

各二兩

右六味末之。蜜和搗五千杵。飲服如梧子三丸。加至十丸。日三。肘後方。無半夏白附子。藜

味。如三

陰毒。堅癥。飲邪。結于胸脇。及心腹。非辛熱大毒之藥。不能深入腑裏。小狼毒丸前方。但取旋覆半夏。降飲開痰。狼毒附子。攻毒破積。藜如白附。通血宣痺。以攻為補。蜜丸甘緩。而堅癖痞在人胸脇。及心腹亦除。

狼毒丸 治堅癖。

狼毒 五兩 半夏 各三兩 杏仁 四兩 附子 各二兩 蜀椒 各二兩 細辛 各二兩

右七味末之。別搗杏仁。蜜和飲服如大豆二丸。

陰毒。堅癥。飲邪。結于胸脇。及心腹。非辛熱大毒之藥。不能深入腑裏。狼毒丸前方。加味。但取半夏。泄飲開痰。狼毒附子。攻毒破積。桂心。藜如。通血宣痺。加用細辛。潤利水道。以達肝邪。以攻為補。蜜丸甘緩。而堅癖痞在人胸脇。及心腹亦除。

濕熱堅癥 方二首

方 治堅癥。心下有物。大如杯。不得食。食則腹滿。心腹絞痛。

葶藶子 各二兩 澤漆 四兩

右三味末之。別研葶藶為膏。下二味。搗五百杵。入蜜更搗千杵。服如梧子五

丸。不知加之。日三服。

濕熱。堅癥。水氣壅于。心下。及腹。心下有物。大如杯。不得食。食則腹滿。心腹絞痛。葶藶。本經。治癥瘕。積聚。結氣。飲食寒熱。利水道。澤漆。本經。治大腹水氣。利氣。結。大黃。通血。閉。開大腸。以達肝邪。以攻為補。蜜丸。緩下。猶水飲。積聚。三台丸。葶藶杏仁合大黃之法。然彼佐附子細辛。寒熱互用。此但寒。不熱為略異耳。

方 治腹中積癥

葶藶子一升。熬酒五升。浸七日。服三合。日三。

腹中積癥。病情不在心下。而在腹。治法。却不在腹。而在心胸。此方去澤漆大黃。專任葶藶瀉肺。利氣結。酒浸温行。不走大腸。而走小腸。泌濁分清。水氣除。而腹中積癥自愈。

帶下堅癥 方二首

消石大丸

治十二癥瘕

婦人帶下。三十六疾。有十二癥。所下之物。一如膏。二如米汁。十一如月浣。十二經度不應期也。

食散

即五石散。凡服五石。而腹中有癥瘕實者。當先服大丸。下之。乃服寒食散。大丸不下。水穀但下。病耳。不令人困也。

消石

六兩。朴。亦得。 大黃 八兩 人參 甘草 各二兩

散

第一卷。婦人方上。

消石

六兩。朴。亦得。 大黃 八兩 人參 甘草 各二兩

右四味末之。以三年苦酒三升。置銅器中。以竹筯柱器中。一升作一刻。凡三

升作三刻。以置火上。先納大黃。常攪不息。使微沸。盡一刻。乃納餘藥。又盡一刻。有餘一刻。極微火。使可丸。如雞子中黃。欲合藥。當先齋戒一宿。勿令小兒。女人。奴婢等見之。欲下病者。用二丸。若不能服大丸者。可分作小丸。不可過四丸也。欲令大。不欲令細。能不分為善。若人羸者。可少食。強者。不須食。二十日。五度服。其和調。半日乃下。若婦人服之。下者。或如雞肝。或如米汁。正赤黑。或一升。或三升。下後。慎風冷。作一杯粥。食之。然後作羹。臍自養。如產婦法。六月。則有子。禁生魚。猪肉。辛菜。若寒食散者。自如藥法。不與此同日。一服。帶下。堅癥。痰熱。結于子臟。絕產無子。腹中有癥瘕實者。消石大丸。消石大黃。瀉痰實。人參甘草。益臟虛。攻補兼施。苦酒熬丸。緩下。味酸達肝。約入病所。而帶下無子。腹中有癥瘕實。以除。

土瓜丸

治諸臟寒。氣積聚。煩滿。熱飲食中。蠱毒。或食生物。及水中蠱卵。生入腹。而成蟲蛇。若為魚鱉。留飲宿食。婦人產。瘕帶下。百病。陰陽不通利。大小便不節。絕傷墮。落寒熱交結。昏口焦黑。身體消瘦。嗜卧少食。多麗產乳胞中。餘疾。股裏熱。心腹中急。結痛引陰中。

土瓜根

末

桔梗

末各半升

大黃

一斤。蒸二升。米下暴乾。

杏仁

一升

右四味末之。蜜丸。如梧子。空服。飲服三丸。日三。不知加之。以知為度。

帶下。堅癥。痰熱結。子。臟寒。氣煩滿熱。飲食蠱毒。留飲宿食。產瘕百病。或為產乳胞中餘疾。土瓜丸。變上法。大黃佐土瓜根。本經開邪氣熱結。瀉痰實。杏仁合桔梗。本經治胸脇痛如刀刺。開痛結。易苦酒之煮。而為升米之蒸。以攻為補。蜜丸緩下。猶濕熱堅癥方。葶藶澤漆合大黃之法。而寒氣煩滿熱。飲食蠱毒。留飲宿食。產瘕百病。或產乳胞中餘疾亦除。

方 治卒暴癥

取商陸根搗碎蒸之。以新布藉腹上。以藥鋪著布上。以衣物覆其上。冷復易之。數日用之。旦夕勿息。

又方

蒜十斤。取五月五日。戶上者。去皮。桂二尺。竈中黃土。如雞子大。一枚。

右三味合搗。以醇苦酒和塗布上。以掩病處。不過三日消。凡蒜亦佳。肘後方。不用桂。

野葛膏 治暴癥

野葛一尺 當歸 附子 雄黃油煮一日

細辛兩各一 烏頭二兩 巴豆一百枚 蜀椒半兩

右八味。改咀。以大醋浸一宿。猪膏二斤。煎附子色黃。去滓。納雄黃粉。攪至凝。傅布上。以掩瘕。上復以油重布上。復安十重紙。以熨斗盛火著上。常令熱。日

三夜二。須膏乾益良。

徐洄溪謂積病最宜外治。癥病何獨不然。

宿食堅癥 方十一首

方 治卒暴癥。腹中有物。堅如石。痛如斫刺。晝夜啼呼。不治百日必死。

牛膝二斤。以咀。暴之令乾。以酒一斗浸之。密塞器口。煎取半升。一服便吐去。

宿食神效。

宿食。堅癥。氣血痺于腸胃。腹中有物。堅如石。痛如斫刺。晝夜啼呼。僅與鹽湯探吐。覩

痰食積聚。鼠境土。變法。反下方。無濟。重用牛膝。本經逐血。氣利大小腸。止癥。癥心腹諸痛。性本下行。

借酒力。以上涌。一吐而氣血通。宿食去。腹中有物。堅痛亦除。

方 治雜中食。痰實不消。心腹堅痛者。

以水三升。煮白鹽一升令消。分三服。刺吐去食也。並治暴癥。

上方宿食不消。腹石堅痛。却不治。宿食而治。血氣此方痰實不消。心腹堅痛。却不治。

血氣而治。宿食蓋彼因血氣之多滯。致宿食之不消。此因宿食之不消。致痰實之不

去。牛膝不吐。必藉酒力以上行。白鹽本吐更借。刺法以上涌。吐雖同。而所以吐者不

同。非神明於藥者。孰能知之。

方 治卒食不消。欲成癥積。

煎艾汁如飴。取半升一服之。便刺吐去宿食。神良。古今錄驗方。白艾五尺。圍一束。薏苡根一大把。二味煎。

方 治凡所食不消。

取其餘類燒作末。酒服方寸匕。便吐去宿食。即瘥。有食桃不消作病者。以時無桃。就樹間得槁桃燒服之。登時吐病出。甚良。

方 治少腹堅大如盤。胸中脹。食不消。婦人瘦瘠者。

煖水服髮灰一方寸匕。日再服。并灸肋端。

又方

飲服上好麴末方寸匕。日三瘥。又灸三焦輸。隨年壯。

方 治髮癥。由人因食而入。久即胸間如有蟲。上下去來。惟欲飲油。一日之中。乃至三二升。不欲飲食者。

油一升。以香澤煎之。大蠶勞貯之。安病人頭邊。令口鼻臨油上。勿令得飲。傅鼻面。令有香氣。當叫喚取飲。不得與之。必當疲極大睡。其髮癥從口出。飲油。人專守視之。并置石灰一裏。見癥出。以灰粉手捉癥抽出。須臾抽盡。即是髮也。初從腹中出。形如不流水中濃菜。隨髮長短。形亦如之。

又方

酒三升。煮猪脂二升。三沸。一服一升。日二。白馬尿服之亦佳。無馬。白牛亦得。

髮喜油。但與喫不與飲以引之。引之不
出猪膏酒以化之。或白馬尿以殺之。

方 治米癥。常欲食米。若不得米。則胸中清水出。

雞屎一升 白米五合

右二味合炒。令米焦。搗末。以水二升頓服。取盡。須臾吐出病。如研米。若無米。

當出痰。永憎米不復食。

方 治肉癥。思肉不已。食訖復思者。

空腹飲白馬尿三升。吐肉出。肉不出必死。

方 治食魚肉等成癥。結在腹內。并諸毒氣。

狗屎五升。燒末。綿裹之。以酒一斗浸。再宿。濾取清。分十服。日三服。三日使盡。

隨所食癥結。即便出矣。

蟲毒堅癥 方二首

方 治伏梁氣。

白馬尿。銅器中盛取。每旦服一升。

方 治癥瘕。

榭樹白皮。煎令可丸。服之。取知病動。若下。減之。榭皮。散。血。治。蟲。取。其。苦。澀。以。化。積。毒。

怪病堅癥 方九首

大黃湯 治蛇癥

大黃 茯苓 各半兩 一作黃芩 烏賊骨 二枚 皂莢 六枚 如猪牙者 甘草 如指大者一尺 芒消 如雞子一枚

右六味以水六升。煮三沸。去滓納消。適寒溫盡服之。十日一劑。作如上

法。欲服之。宿無食。平旦服。當下病根也。

方 治蛇癥

白馬尾切長五分。以酒服方寸匕。大者自出。更服二分者。一方寸匕。中者亦

出。更服三分者。一方寸匕。小者復出。不可頓作。一服殺人。馬尾一本作馬毛

方 治驚癥。腹堅硬。腫起。大如盤。睡卧不得。

取藍一斤。搗水三升。絞取汁。服一升。日二。

又方

藟蒴根白皮一握。研取汁。以水和頓服之。

又方

白馬尿一升。雞子三枚。取白合煎取二合。空腹頓服之。不移時當吐病出。

方 治食中得病為驚癥。在心下。堅強。

雞屎一升。炒令黃。取五合。以酒一升浸。更取半搗為末。以所浸酒服方寸匕。

日二。三日中作一劑。

方 治患癥結病。及瓜病。形似瓜形。日月形。或在臍左右。或在臍上下。若驚在

左右肋下。或當心如合子。復有手脚。治之法。先針其足。驚形以椒熨之

取一新盆子。受一斗者。盆底鑽一百二十孔。孔上著椒三合。上著一重紙。紙

上著冷灰一升。灰上著熟灰半升。上著剛炭火一斤。經一食頃。盆底熱徹。當

病上。初安。趨一重。即安火盆。火盆大熱。以漸更加一重。若火更熱不可忍。加

至三重。暫歇一口冷飲。還上火消二分許。即停。經三日勿著。及至七日。決得

頓瘥。然後食美食自補。若小不瘥。作露宿丸服之。方在第十五卷中。按方見第十五

卷胃腑門。痼冷積熱第八。主寒冷百病。用礬石桂心乾薑附子。

方 治蛟龍病。

開皇六年三月八日。有人食芹得之。其人病發。似癩癩。面色青黃。因食寒食

錫過多。便吐出蛟龍。有頭及尾。從茲有人患此疾。令服寒食錫三斗。大驗。

方 山野有人嚙蟲。在腹生長。為蟲癥病。治之。

故敗篋子 一枚
故敗梳 一枚

右二物。各破為兩分。各取一分。燒為末。又取一分。以水五升。煮取一升。以服

前燒末。頓服。斯須出矣。

灸法

心下堅積聚冷脹灸上管百壯。三報之。穴在巨闕下一寸許。

積聚堅大如盤冷脹灸胃管二百壯。三報之。穴在巨闕下二寸。

積聚堅滿灸脾募百壯。穴在章門季肋端。

久冷及婦人癥瘕腸鳴泄利繞臍絞痛灸天樞百壯。三報之。萬勿針。穴在俠臍兩邊各二寸。

癥瘕灸內踝後宛宛中。隨年壯。又灸氣海百壯。